



No ken sutim tok olsem marasin i sot - Kase

Benorah C Hesehing

Seketeri bilong Helt, Pascoe Kase i tok ol pipel i no ken sutim tok long dipatmen i no mekim gut pepa wok na marasin i sot.

Mista Kase i mekim dispela tok

asde, long bekim tok bilong kendidet husat i resis long Pot Mosbi Not Wes, Sir Mekere Morauta.

Em i tok olsem helt dipatmen i no save makim ol kampani long kisim wok bilong givim marasin saplai.

Dipatmen i wokim pepa bilong skelim ol kontrakta tasol na i save lusim long han bilong Sentral Saplai na Tenda Bod (CSTB), long putim aut bai ol kontrakta i aplai.

Teknikol Ivaluesen Komiti (TEC) i save skelim gut ol kontrakta na

givim kontrak.

Em i tok olsem, planti kontrakta save putim pepa; tasol ol dispela husat i gat gutpela nem tasol, CSTB na Nesenel Eksektiv Kaunsil (NEC) save lukim na skelim.

I go moa long Pes 3...


INSAIT

The Giluwe Nius



Gabriel Andandi thanks Tambul-Nebilyer students - P11

Laipstail



Raun long Wes Papua

Don Niles i raitim

Pes 14

1 HOUR FRI TOKTOK



Lukim page 7 lo moa.

Montfort Morata karim gut nius...



WOK HELPIM: Ol 9-pela manmeri long Morata i kamap wok manmeri bilong Montfort Misineri. Wok bilong ol nau long helpim ol lain long kam klostu long God Papa. Ol i sanap wantaim Pater bilong St Martin de Porres Fr Rozario Menezes bihain long spesel misa bilong ol long Sande. *Poto Nicky Bernard.*



PNG Air

Yu Gat Sois

Bukim Tiket

7222 2151

Fri Kol: 16111

Onlain Bukim Tiket:
www.pngair.com.pg



Dai i bagarapim kempen bilong Nomane

Wantok ripota – Goroka

MEMBA bilong Palamen i bin makim Chuave ilektoret bipo, Jim Nomane i bungim hevi long tingting bilong go bek long politik long taim wanpela trak wantaim ol 52 sapota bilong em i kapsait long sap maunten sait long Siane LLG, Chuave distrik .

Dispela birua i kilim tupela man na 26 narapela i kisim bikpela bagarap long bodi. Hap namba bilong ol 26 husat i kisim bagarap nau i stap long Sir Joseph Nombri Memorial Haus sik long Kundiawa wantaim bikpela bagarap.

Namel long ol em wanpela liklik bebi husat i bin stap long dispela kar taim em i kapsait.

Polis Stesin Komanda bilong Chuave, Inspekta Mark Tapo i no bin mekim wanpela toktok bikos Wantok nius i no bin inap long toktok wantaim em.

Tasol i gat ripot olsem long tupela man husat i dai, wanpela bilong tupela em i bilong hap bilong Nomane long Laiya na narapela em i bilong Lambau traib bilong Runungu we Siane LLG hetkwota i stap.

Draiva husat i draivim dispela kar i bilong bilong narapela Hailans provins na em i bin ranawe long taim kar i kapsait na nau em i stap hait yet. Tasol ol Chuave Polis i gat strongpela bilip long holim pasim em klostu taim.

I gat bilip nau olsem Mista Nomane i stopim ileksen kempen bikos em i pret long ol famili na wan pisin bilong ol tupela man i dai, na em i go bek long asples bilong em.

Chuave ilektoret i gat tripela Lokal Level Gavman na Siane LLG yet nau i gat 16 kendidet i wok long resis.

Dispela namba winim olgeta narapela tupela LLG bilong Elimbari na Chuave.

PNG i nidim ol yangpela lida long ranim kantri – Sir Mekere

Frieda Sila Kana i raitim

KANTRI i nidim ol yangpela lida long kisim ples bilong ol olupela na ranim kantri, Sir Mekere Morauta i tok.

Sir Mekere i tok em i bin lusim sia bilong Pot Mosbi Not Wes long yia 2012 bihain long 15 yia bilong em i stap long politik, stat long 1997 ileksen i kam long 2002 na bihain long 2007. Tasol em i bin ritaia long tupela as tingting.

Namba wan em bikos em i tok olsem long yia 2002 em i bin stap pinis long wok olsem pablik sevan na long wok politik moa long 40 yia na i taim bilong em i ritaia.

Namba tu as em i bin ritaia em bikos em i gat strongpela tingting olsem ol pipel husat i stap long pablik opis i mas pinis long wanpela taim na givim

spes long ol yangpela lida long tekova na karim owk i go. I no gat wanpela lida i mas holim strong posisen bilong em inap longpela taim tumas.

“Mi pilim olsem bihain long 15 yia long politik em mi inap long ran long dispela pablik opis. PNG i nidim ol lida long senis. Em i no praivet bisnis bilong mi na bai mi holim pas long dispela sia. Mi holim planti pablik opis olsem Seketeri bilong Treseri stat long 1973 tasol mi pinis long 1983 long larim narapela man i kisim ples bilng mi. Gavman i givim mi sans long stap olsem siman bilong Papua Niugini Benking Kopresen (PNGBC) na bihain olsem Gavana pastaim long mi risain. Na bihain mi ritaia long politik tu.

“Nau bai yu askim, bi long wanem mi laik kam

bek? Mi wari long kantri. Olsem mi tok pinis, mi laik kam bek bikos gavman bilong Peter O’Neill i wok long bringim planti hevi long kantri tasol em yet i no traिम long tokaut klia long wanem wei em bai stretim dispela hevi,” Sir Mekere i tok.

Sir Mekere i tok em bai no inap long kisim bek posisen bilong em insait long PNG Pati bikos em i givim pinis long ol yanpela Papua Niugini lida long karim dispela pati i go het. Tasol em i tok sapos em i go insait long politik gen, em i redi long bung wantaim ol yangpela lida olsem Don Polye, Sam Basil, Belden Namah, Bire Kimisopa, Ben Micah, Patrick Pruaitch na ol narapela yangpela politisen olsem.

“Mak bilong mi long go bek long politik em long pasim rot bilong Peter


O’Neill long ol pasin nogut i wok long kamap long kantri nau.

“Mi gat dinau long PNG long lukim lo i mas karamapim olgeta manmeri stat long Gavana Jenerali i go daun long ol man nating. I no gat wanpela man i stap antap long lo.

“I gat wei bilong prospekusen i stap tasol sampela lain we mi no laik kolim nem, i laik abrusim ol dispela rot bilong go long kot,” Sir Mekere i tok.

Em i tok, taim em i go insait em i laik kamapim ol lo we inap long makim ol jas we bai stap sambai olgeta taim long harim ol kot bilong korapsen keis. Dispela wei bai mekim ol kot bilong ol korapsen keis i pinis hariap.

Em bai kamapim ol lo we bai banisim ol manmeri husat i tokaut long rong pasin bilong ol narapela na tu long holim pasim tupela sait wantaim.



Sir Mekere Morauta, kendidet bilong Pot Mosbi Not Wes ilektoret nau long namba 4 taim gen long resis long 2017 ileksen. *Poto: Nicky Bernard.*

Em i tok nau yet lo i karamapim tasol man i kisim mani tasol i no karamapim ol lain olsem bikpela kampani i givim mani bilong grisim man.

“Sapos bikpela kampani i givim mani long wanpela lida man long givim em bisnis orait dispela kampani tu i mas go long kot na i no man i kisim mani tasol.” Sir Mekere i tok.

Raikos pipel nidim gutpela lida long wokim bris/rot

James Kila i raitim

OL PIPEL bilong Raikos distrik, Madang provins long nambis na maunten i kra i yet long bris na rot i go long ples bilong ol.

Dispela sevis wantaim ol arapela bikpela sevis olsem helt na edukesen i no go yet long ol.

Dispela kra i bilong ol i stap yet i kam inap nau na askim i go long ol long ol i mas votim wanpela gutpela lidaman long go insait long palamen long helpim na bringim sevis i go long ol.

Dispela em salens wanpela komyuniti lida na man husat i save toktok strong long promotim gud gavanens long Madang provins, Alois Ulan i tok.

Ulan em i bilong Raikos distrik na oltaim i save givim gutpela toktok olsem aweanes long givim tingting long ol



pipel long makim gutpela lida husat bai i makim ol insait long nesenel palamen.

Raikos distrik i gat eria long nambis stat long Bugati long Astrolabe Be i go long Saidor na go long boda bilong Morobe. Ailan bilong Raikos em Long Ailan na Crown Ailan, na ol pipel long dispela ol ailan tu em ol lida na gavman i no save luksave na bringim sevis i go long ol.

Ulan i tok antap long dispela, ol pipel bilong

maunten ples olsem long Teptep na long Tauta eria em bris bilong ol long Surinam i bruk longtaim na no gat sevis i go long dispela hap.

Ol nambis ples long Raikos stat long Bugati i go long Saidor i gat planti ol bikpela wara i stap we i save givim hevi long ol pipel long brukim na kisim ol samting i go long ples bilong ol.

Planti ol bikpela wara stat long Yowor, Minjeng, Guabe, Gawar na Yaganon na ol arapela tu

Em san taim na dispela Toyota Lenkrusa i ran katim Yaganon wara long Raikos tasol long taim bilong ren em bai hat tru long kar i ran. *Poto: James Kila*

i stap em i no gat bris long ol.

Sampela i bin gat bris bipo long taim bilong independens tasol nau i bruk na no gat senis bilong ol.

Ol pipel i save yusim moto long go kam long Madang taun long kisim ol sevis, tasol tu dispela i lukim planti hevi i kamap we ol bot i kapsait na planti manmeri i lusim laip bilong ol long solwara o sapos bikpela taim nogut, i hat long ran.

Tigavu laik wok wantaim ol divelopa long senisim distrik

James Kila i raitim

WANPELA independen kendidet long Usino-Bundi Open long 2017 Nesenel Ileksen, i tok sapos em i win, em bai wok wantaim ol risos divelopa long distrik long kamapim divelopmen.

Dispela yangpela man John Tigavu, i bilong Kurumbukari maunten na em i sanap resis wantaim moa long 50 kendidet na i salensim memba nau Anton Yagama long ileksen.

Tigavu i pikinini man bilong David Tigavu, husat i bin siaman bilong Kurumbukari lenona Asosiesen (LOA) na i wanpela lida husat i sanap strong long divelopim nikel/kobalt projek long Kurumbukari.

Tigavu i bin resis long 2012 nesenel ileksen na i bin kamp namba faiv namel long 40 kendidet husat i resis long dispela taim na nau em i resis gen.

“Mi bai wok klostu wantaim ol divelopa bikos ol i gat ol saveman bilong wok na ol masin we ol i ken yusim long mekim wok,” em i tok.



Wasa Rice 200g
Em Skel Ya
GROWN FOR THE PEOPLE OF PNG



Ol TVET tisa i kisim skul

Benorah C Hesehing

DIPATMEN ov Edukesen i go pas long wanpela streteji plen program long helpim ol tisa long olgeta vokesenel skul long kantri.

Streteji plan i kam aninit long Human Risos Developmen Program2 (HRDP2), we edukenen dipatmen i save ranim , long apim wei bilong skul long ol dispela vokesenel skul wantaim sapot bilong Yuropien Yunien (EU).

Dispela bung bilong lainim ol tisa na ol bikman bilong Teknikel Vokesenel Edukesen Trening (TVET) senta long olgeta rijon long kantri, i no longtaim i go pinis, long Simbu.

Ol lain i stap long dispela bung i kisim save long streteji plen na wokim olgeta wok bilong ol i go wantaim polisi bilong edukenen dipatmen.

Long dispela bung, edukenen dipatmen i lukim gut na askim 30 bikman long TVET long kam stap long dispela bung na kisim skul long wei bilong wokim senis long ol vokesenel skul.

Edukesen Edviasa bilong Simbu, husat i bin opim dispela bung i tok olsem gavman i save wokim strongpela tok long TVET; na wanem samting ol tisa na opisa i kisim bai helpim ol gut tru long wei bilong wok na skulim ol sumatin long wan wan skul bilong ol.

Dokta Ben Imbun, man i bin go



[Strategic plan] Long rait han...Ol lain i stap long Streteji plen wok-sop Kundiawa, Simbu Provins wantaim Dokta Ben Imbun (namba tu long fran) na Was Rowatina, Enga Edukesen Edviasa, namba tri.

pas long strongim dispela woksop, olsem ol lain i stap long dispela kisim i go bek long ol wan wan i tok em i amamas tru long lukim bung i lainim gutpela samting long skul ol i kam long en.



Tupela Mobail Skwad i sindaun na harim Komisina bilong ol toktok long Hagen. Poto Nicky Bernard

Noken sutim tok long marasin i sot

I kam long Pes 1...

Kontrak bilong Bonio Pasifik long wokim marasin saplai long kantri pinis las ya.

Long stori bilong Sir Mekere, media ripot i tok CSTB i bin salim bek askim bilong Helt Dipatmen na tokim dipatmen yet long putim long tenda.

Helt Dipatmen i no bin putim aut tenda notis hariap na i surukim taim bilong kampani long wokim

marasin saplai. Sir Mekeri i tok long asde olsem, gavman i save lusim bikipela mani long planti bilong ol marasin.

Em i no inap lusim bikipela mani, sapos i gat gutpela pepa wok bilong skelim ol kontrakta bilong marasin saplai.

Em i tok tu olsem em i kisim dispela tok long wanpela pablik wokman, olsem

O'Neill gavman i lusim bikipela mani moa long marasin gen long intenesenel prais mak.

Long wankain taim, ol man na meri long biksiti, Pot Mosbi, husat i save kisim helt sevis long Pot Mosbi Jeneral Hospitel (PMGH) i tokim Wantok Niuspepa olsem,

sampela bilong ol marasin ol i save kisim long haus sik i abrusim pinis taim bilong yusim.

Andrias laik wok bung wantaim olgeta

Paul Zuvani i raitim

WANPELA meri kendidet husat i resis long Goroka Open, Isten Hailans i tok long em long developim distrik, em laik wok bung wantaim olgeta lida na manmeri.

Dokta Susan Andrias husat i gat Pilosopi ov Dokta Digri long marasin long Sidni Yunivesiti, Australia na bipo tisa long Skul bilong Marasin long Yunivesiti bilong Papua Niugini i toktok wantaim Wantok Niuspepa taim e mi tokaut long as em i laik resis long ileksen.

Em i tok planti taim Gavman i larim komyuniti i stap longwe taim em i kamapim ol projek.

Em it ok taim Gavman i mekim olsem komyuniti i no lukim ol yet olsem ol i papa bilong projek na olsem ol i no inap long wari long lukautim dispela ol projek.

"Long developim

Goroka, taim mi kamap memba mi laik wok bung wantaim olgeta memba bilong Isten Hailans," Dokta Adrias i tok.

"Goroka i senta na olgeta manmeri long distrik i save kam long Goroka long kisim sevis.

"Ol i kam wantaim mani na mi amamas long dispela."

Tasol em i tok taim em i wok wantaim ol memba, em i laik daunim hevi bilong lo na oda na i laik ol manmeri bilong distrik i no ken raun nating long taun tasol i mas go bikos sevis ol i laikim i no stap long distrik.

"Mi laik lukim tu olsem ol memba i mas developim distrik bilong ol tu.

"Ol i mas gat olgeta bikipela sevis olsem helt, edukenen, benk, rot na bris, pos opis, telepon na wara."

Andrias i tok long Goroka distrik, bikipela

samting em i laik strongim em long sapotim ol fama long ol i mas gat stua haus long lukautim gaden kaikai na transpot long karim ol i kaikai i go long Lae, Madang, Mosbi, Rabaul na ol arapela senta long salim kaikai bilong ol.

Bikpela hevi em, ol manmeri no gat stua haus na transpot.

Em itok long kamapim ol projek olsem haus sik, skul, wara saplai, rot na bris em bai kisim ol manmeri long lokal komyuniti long mekim dispela ol samting.

Em it ok tai mol yet i mekim samting ol bai pilim ol papa bilong projek na bai laik lukautim.

Narapela samting em laik mekim em long lukim ol bikipela institut olsem Yunivesiti ov Goroka, Goroka Bisnis Koles, Goroka Nensing Koles na ol vokesenel skul long ol i mas gat sevis bilong ol



Dokta Susan Andrias, kendidet bilong Goroka Open.

yet olsem benk, pos opis, telepon na stua.

"Mi laikim ol sumatin bilong narapela hap i kam, ol i mas gat amamas na kam," Andrias i tok.

"Ol i no ken painim sevis long stua, benk o pos opis sevis na go aut long skul bilong ol."

Em i tok dispela long lukim ol sumatin i pilim seif long kam long dispela ol skul.

WE ARE WHERE YOU ARE
BSP has the largest network of access points in PNG.

- 40+ Branches
- 40+ Sub Branches
- 170+ Agents
- 300+ ATMs
- 7,500+ EFTPoS

WE ARE BSP
www.bsp.com.pg



PIH Saveman Nius


"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

Cataract is Curable – now the blind can see

What is a cataract?

The clear lens behind the pupil is responsible for focusing the light on the retina at the back of the eye and for us to see.




Cataracts are changes in clarity of the natural lens inside the eye that gradually decrease vision. The natural lens sits behind the colored part of the eye (iris) in the area of the pupil, the pupil appears white when there is an advanced cataract. The lens becomes very cloudy and appears white.

What are the symptoms of cataract?

Significant cataracts may not appear white but block and distort light passing through the lens, causing visual complaints. When people develop cataracts, they begin to have difficulty doing activities they need to do for daily living or for enjoyment. Some of the most common complaints include difficulty glare and driving at night, blurred vision while reading or sewing, difficulty to focus when participating in sports, or traveling to unfamiliar areas; these are all activities for which clear vision is essential.

Cataract



What causes cataracts?

Cataract development is usually a very gradual process of normal aging but can occasionally occur rapidly. Many people are in fact unaware that they have cataracts because the changes in their vision have been so gradual. Cataracts commonly affect both eyes, but it is not uncommon for cataracts in one eye to advance more rapidly. Cataracts are very common, affecting roughly 60% of people over the age of 60. However, in PNG a lot of people develop cataract in their 50's. especially diabetics and people with history of trauma to the eye.

Rarely, cataracts can present at birth or in early childhood and in young adults due to severe trauma to the eye. Eye surgery, or intraocular inflammation can also cause cataracts to occur earlier in life. Other factors that may lead to development of cataracts at an earlier age include excessive ultraviolet-light exposure, diabetes, smoking, or the use of certain medicines, especially steroids.

Cataract Treatment

Surgery

The standard cataract surgical procedure is typically performed in a hospital by a specialist eye doctor. There are four techniques for cataract surgery to remove the cloudy lens as no medicine is currently available to cure cataracts.

Phacoemulsification (phaco):



Internationally, the most common form of cataract surgery today is a process called phacoemulsification. In PNG, this modern technique is available at the Pacific International hospital in Port Moresby. With the use of an operating microscope, your surgeon will make a very small "key hole" incision in the surface of the eye in or near the cornea and will then insert a thin ultrasound probe from the phaco machine into the eye. The machine uses ultrasonic vibrations to dissolve (phacoemulsify) the cataract (clouded lens). These tiny fragmented pieces are then suctioned out through the same ultrasound probe. Once the cataract is fully removed, an artificial foldable lens is inserted through the key hole and placed into the same thin bag that the cataract occupied. This intraocular lens implant is essential to help your eye focus after surgery. In this modern method, cataract surgery can usually be performed in less than 20 minutes and may require no numbing injection and no stitches to close the wound!



The new Constellation equipment acquired by PIH towards conducting PHACO in PNG

CATARACT FACTS IN PNG

Did you know that it is estimated that there are over 30,00 people living in PNG who are unnecessarily blind from cataract or a cloudy lens?

Don't let these people suffer from avoidable blindness due to a correctable condition and be

a burden on their family and society.

A simple cataract operation can restore their sight and improve their quality of life.

All PNG citizens should be aware of "VISION 2020 "the right to sight " a global initiative by WHO/IAPB to reduce avoidable blindness globally by year 2020.

If you are having symptoms of blurred or cloudy vision please visit an Optometrist or an Eye clinic.

The public is informed that Pacific International hospital and Eye care plus located in DownTown Port Moresby and RH hypermart in Gordons provide free eye and vision screening. Walk-in or Call now to book your free appointment at 323-3338 and 3234400.

If you have elders living in the village near Port Moresby, who are suffering from poor vision please take time out to bring them for a free eye test at any of the EYE CARE locations or PIH.

If you would like us to come to your village to do a free eye screening for the community or church, please contact PIH 323- 4400 to plan your eye screening program.



Dr. Amyna Sultan, is a US qualified specialist eye doctor who accepts private phaco and SICS cases at PIH and also performs free cataract surgery at PIH, for the disadvantaged and needy patients who are suffering from avoidable blindness due to cataracts.

Free Eye Testing

With over two decades of serving the people of PNG. At 4 different locations in Port Moresby Offering a variety of eyecare services and products The one brand you can always trust.

All tests performed by qualified Optometrists Only



Waigani, Shop No.5, Ground Floor, Visioncity Mega Mall +675 7100 2874



Downtown Pacific Palms Property, ShopNo.29, Champion Parade, +675 7100 2871



Harbor City ShopNo.9, Waterfront FoodWorld, +675 7030 6820



PIH, 3Mile, Sec 105, Lot No 2, Taurama +675 7998 8000 Now also in Lae, Morobe





PASIN NOGUT



NOKEN
1 LARIM KENDIDET I BAIM VOT BILONG YU



NOKEN
2 LARIM NARAPELA I LUKIM BALOT PEPA YU MAKIM




NOKEN
3 VOT PLANTI TAIM




NOKEN
4 STILIM BALOT BOKIS WANTAIM OL BALOT PEPA



NOKEN
5 BAGARAPIM PLES BILONG VOT




NOKEN
6 PORETIM O BIRUA LONG OL ILEKSEN WOKMAN



NOKEN
7 GRISIM O PORETIM OL MANMERI LONG VOT BIHAINIM LAIK BILONG YU



NOKEN
8 PAIT WANTAIM GUN O NAIP LONG WINIM VOT



NOKEN
9 PULAP NA PASIM PLES BILONG MAKIM BALOT PEPA

Wok Bung Wantaim Ilektoral Komisin Long Stopim Ol Kain Pasin.

Em i laik Bilong Yu, lukautim Demokrasi Bilong Yumi

TINGIM, LUKIM OLSEM EM BILONG YU STRET NA VOT WANTAIM STRET-PELA TINGTING

Tok Orait bilong dispela toksave i kam long Ilektoral Komisen



Ensinia skruim wok long strongim rot sefti

DIPATMEN bilong Woks i holim ol woksop long Pot Mosbi na Lae long strongim wok bilong rot sefti long kantri.

Dispela ol woksop em Australia Gavman i givim mani long kamapim ol toktok bilong kamapim ol gutpela rot na rot bilong abrusim ol birua long kamap.

Ripot long Transpot Dipatmen na polis i soim namba bilong ol kar na manmeri i kisim bagarap long rot i wok long kamap bikpela.

Wol Helt Ogenaisesen (WHO) ripot i soim samting olsem 1000 laip i lus long ol rot long PNG long wan wan yia.

Ol bagarap i kamap i ken kamapim hevi long laip na tingting bilong man long longpela taim.

Deputi Seketeri bilong Woks,

Gabriel Tomtai i amamas na tok Dipatmen bilong em i wok long putim wantaim ol toktok bilong kamapim gutpela ripot long kantri.

“Dipatmen bilong Woks i strongim yet tingting bilong em long kamapim ol gutpela rot long ol hevi i no ken kamap,” em i tok.

“Rot sefti i wok bilong olgeta manmeri na olsem em i bikpela samting long mekim aweanes long ol komyuniti.”

Long ol woksop, Dipatmen bilong Woks i lonsim ol nupela rot sefti buk we i soim ol toktok na piksa bilong trefik menesmen long ol ples we Dipatmen i wok long kamapim ol wok long em.

Tomtai i tokaut long as bilong dispela tingting na wok bikos em i bikpela samting.

“I gat bikpela sans long ol bagarap i kamap long ol ples we Dipatmen i wok long mekim wok long ol,” em i tok.

“Dispela i min bagarap i ken kamap long wei ol manmeri i wok-about long em, ol wokman husat i wok long rot na ol manmeri husat i ran long kar,” em i tok.

Planti ol stekhola olsem Rot Trefik Atoriti, polis na lokal kontrakta i kamap long woksop long Pot Mosbi.

Ol bikpela toktok ol i mekim em trefik kaming mesa, seif rot disain, spit enfosmen, na interaktiv sesen long odit bilong rot sefti.

Dispela rot sefti em Australia Gavman aninit long Australia Transpot Sekta Sapot Program i givim mani long kamapim.



Sampela ol stekhola husat i kamapim long woksop. Foto: :Australia Harim Komisen.

Westen Hailen redi long wok wantaim Polis

Nicky Bernard i raitim

OL pipel long Westen Hailans i redi long wok wantaim ol Polis manmeri na ol lilektoral Komisin lain long taim bilong lileksen.

Dispela toktok i kamapim long sampela ol manmeri

long Westen Hailans taim Komisina bilong Polis Garry Baki go antap long Hagen long lonsim polis operesen bilong Hailans Rijon.

Olgeta polis manmeri bilong Hailans Rijon i bin stap long dispela bikpela lonsing na harim Komisina

bilong ol i bin toktok long ol.

Ol pipela bilong Westen Hailans tu bin pulap long bikpela taun bilong ol Hagen, long harim toktok bilong Komisina bilong polis.

Dispela taim bilong lons-

ing Hagen taun i no gat muv bilong ol taim Polis Komisina i bin toktok wantaim Seif Seketri bilong Gavman Isaac Lupari.

Olgeta manmeri long Hagen i wanbel long toktok bilong Polis Komisina na redi tasol long taim bi-

long makim vot long ol kenidet bilong ol.

Polis operesen bilong Hailans i stat pinis taim Komisina Garry Baki na Seif Seketri Isaac Lupari i bin long lonsim wantaim nupela redio teknologi bilong polis.



Ol polis manmeri i sanap na harim komisina i toktoklong Hagen.



OLGETA TAIM

Kisim **1** hour fri toktok lo **K1** tasol.

Ringim ***111#** na subscribe nau!

bmobile | vodafone
Poroman network



76003555 or 1555
connect@bmobile.com.pg
facebook.com/bmobile.Vodafone
www.bmobile.com.pg

PNG i gat inap mani bilong lukautim olgeta sitisen

Frieda Sila Kana i raitim

PASTO Kelaga Sine, wanpela kendidet husat i ran bilong Nesenel Kepital Distrik (NCD) Rijonal aninit long MAPAI Levites Pati i tok Papua Niugini i gat inap mani long lukautim olgeta manmeri na pikinini tasol ol politisen na ol bikman bilong ol gavman dipatmen i no save bosim gut dispela mani.

Pasto Kelaga em i bin wok misineri inap 35 yia na aninit long Pentekos Asembli bilong Wol inap 10-pela yia tasol bihain long 2012 ileksen Pasto Sine i bin kisim wok bilong Edministreta bilong Pot Mosbi Not Is ilektoret aninit long Memba, Labi Amaiu.

Taim em i stap olsem edministreta em i bin lukim hevi bilong ol pipel gut tru na tu em i lukim ol rot we mani bilong ol pipel i wok long ran long han bilong ol politisen i go long ol bikpela pablik sevan olsem ol het ov dipatmen na hamas i save go long mekim ol wok develupmen aninit long Distrik Sevis Impruvmen Program (DSIP) na Provinsal Sevis Impruvmen



Pasto Kelaga Sine i no givim aut mani tasol em i gat bikpela tingting olsem em i bringim, "Hope for the Hopeless". Em i sanap wantaim ol sapota bilong en klostu long kar bilong em. *Poto: Nicky Bernard.*

Progam (PSIP).

Pasto Kelaga i bilip olsem i gat bikpela mani tu i save go long NCD long mak olsem K50 milien long

nem bilong ol pipel bilong NCD tasol ol pipel bilong NCD i stap rabis yet. Wantaim ol insait save bilong ol mani i stap bilong mekim

wok na helpim olgeta manmeri, Pasto Kelaga i laik traim resis long NCD rijonal.

Bikpela toktok bilong MAPAI

pati em "Hope for the Hopeless" em i minim olsem ol i laik bringim bilip i kam bek gen long ol pipel husat nau i lusim bilip pinis long kamapim gutpela sindaun wantaim mani.

"Mi risain long wok bilong mi olsem edministreta bikos mi lukim rong pasin i wok long kamap na mi pilim nogut long mi bai sapotim sin pasin.

I gat mani inap long olgeta pipel tasol ol i no menesim gut.

Ol man husat i gat wok long lukautim na tilim mani i wok long senisim ol system long yusim mani long laik bilong ol," em i tok.

Pasto Kelaga i tok PNG em i gat planti risos we inap long kamapim bikpela mani tasol PNG i no lukim yet kaikai bilong dispela ol mani.

"Mipela i no givim aut mani long kempen bilong mipela. Mipela i laik soim stretpela pasin. Mipela i no laik wokim pasin korapsen. Mi go insait long ileksen wantaim poket no gat mani.

Tasol mi laik lukim ol pipel i mas amamas gen taim mi kisim sia bilong gavana.

Peru i strongim wokbung wantaim PNG

KANTRI Peru long Saut Amerika i strongim gen gutpela pren namel long ol pipel bilong en wantaim Papua Niugini. Nupela embasada bilong Peru, H.E. Miguel Palomino De La Gala i bin bungim Praisim Minista Peter O'Neill long dispela wik na em i strongim gen dispela wok pren PNG i bin gat wantaim Peru.

Em i karim gritings bilong Presiden bilong Ripablik ov Peru, Pedro Pablo Kuczynski i kam long ol pipel bilong PNG.

Em i tok ol pipel bilong Peru na Pasifik rijon i save strong long Pasifik solwara long helpim laip bilong ol. Em i tok Peru na PNG i gat gutpela luksave na wokbung long taim tupela i bin statim wok bung i kam inap nau.

Embasada Gala i tok kantri bilong em i wok long gro gut na em i laik strongim tred namel long PNG na Peru. Em i tok kantri bilong em na PNG i bilip long lo na oda, demokrasi develupmen na fri tred na ol i wokim dispela long Wol Tred Ogenaisesen (WTO) na APEC.

Em i tok long taim tupela kantri i bung wantaim long ol dispela wok bai ol pipel bilong ol tu i ken luksave long ol yet.



Embesada bilong Ripablik bilong Peru long PNG Miguel De La Gala wantaim Sif ov Stet Protokol Morea Veratau long Gavman haus taim Mista De La Gala i go long bringim ol pepa bilong em long Gavana Jenerl bilong PNG. *Poto: Gavman Haus midia.*

Ol sumatin i kisim skul long lukautim ples sindaun

Benorah C Hesehing

POT Mosbi Nesa Pak Edukesen dipatmen i ranim wanpela wan wik program bilong skulim ol pikinini long lukautim ples sindaun.

Dispela program ol i kolim enviromen wik, em i go wantaim enviromen de we i bin kamap pinis long Jun 5.

Kodineta bilong edukesen wok bilong neisa pak, Ishimu Bebe, i tok olsem ol i lukluk long kisim 3,400 sumatin olgeta, long skul long Pot Mosbi long dispela program long dispela wik.

“Ol skul we i no kamap long dispela wik, bai yumi givim sans long ol i ken kam long 14 na 15 Jun,” Mista Bebe i tok.

Em i tok tu olsem dispela program em bilong ol gret 4 i go long gret 8 sumatin tasol.

Ananit long dispela program, ol edukesen dipatmen bilong pak i skulim ol pikinini long 4-pela eria olsem; sevim wara, wei bilong usim pawa gut, lukautim pipia na senis long klaimet.

Ol sumatin i kisim skul gut long we bilong wokim dispela ol



Wokmeri long edukesen dipatmen bilong pak, Wenderlyn Utpagelona, i givim skul toktok long ol sumatin bilong St. Joseph praimeri skul long we bilong lukautim pipia na senisim go long ol gutpela samting ol i ken yusim gen. *Poto: Debes Kenny (UPNG jenelism sumatin)*

samting na lukautim ples sindaun bilong ol long abrusim birua bilong neisa.

Wanpela wokman long edukesen dipatmen long pak, Mista Wesley husat i skulim ol pikinini long wei bilong yusim pawa i tok olsem ripot i soim olsem i no planti lain long dispela graun i save yusim pawa

we i kam long neisa.

“Dispela em bikos ol no laik lusim bikpela mani, tasol em bai isi na fri long yusim longpela taim,” e mi tok.

Long wankain taim, i gat planti ol bisnis haus na grup i sapatim dispela program long promotim sefti.

Long stat bilong dispela pro-

gram, ol sumatin bilong St. Joseph Praimeri Skul i bin kamap pas na lainim ol dispela samting.

Neisa pak i lukluk long kisim planti sumatin long dispela wik na narapela wik Tunde na Trinde long skulim ol long lukautim ples sidaun bai em i kem lukautim olgeta manmeri insait dispela ples graun.

Pot Mosbi Teknikol skul bai lusim K70, 000 long rent

Pot Mosbi Teknikol skul bai lusim mani mak long K70,000, long putim ol sumatin husat domitori bilong ol i paia i go long rent haus.

Moa long 150 sumatin i kisim bagarap long dispela paia, taim 70 sumatin i lusim olgeta samting bilong ol taim haus domitori bilong ol i paia long 23 Me.

Dispela paia i bin strong tumas na i bagarapim narapela domitori tu, we i stap klostu.

Ol dispela sumatin, skul i salim ol i go stap nau long Yumi Yet haus, long Gerehu.

Sekesteri bilong Edukesen, Dokta Uke Kombra i tok dispela em pasin nogut tru na i tok tenkyu tru long Pot Mosbi Teknikol skul long wok ol i wokim na salim ol sumatin i go long rent haus na stretim dispela hevi isi.

Em i tok olsem ripot bilong dispela paia i soim olsem; sumatin i no putim paia bikos dispela domitori em ol i wokim i no longtaim i go pinis.

Polis na Paia sevis i wokim wok painim aut long as bilong dispela paia.

“Sapos ol i painim aut olsem ol sumatin i putim paia, ol i mas kisim pe bilong dispela pasin nonut bilong ol.

“Gavman i lusim bikpela mani long wokim, bilong ol sumantin i ken stap na lainim samting gut na yumi mas lukautim gut,” em i tok.

Dokta Kombra i wok wantaim Ekting Prinsipel bilong skul, Mista Henry Wamaingu long mekim singaut i go long pablik long helpim dispela ol sumatin husat i lusim olgeta samting bilong ol, long wanem we ol i ken.

Fi long sekim blut long Modilon Haus Sik i go antap

James G. Kila i raitim

MODILON Haus Sik long Madang, em i riferal haus sik long provins tasol nau i apim fi bilong ol lain husat i laik yusim sekim blut masin bilong en.

Long Me 22, haus sik menesmen i putim aut wanpela notis pepa bilong en long tokaut long haus sik i apim fi bilong patoloji sevis bilong en. Dispela em long sait long blut tes long sekim sik long bodi.

Pablik notis i tok olsem stat long Me 22, nupela mak bilong patoloji sevis o blut tes bai senis go antap. Dispela fi em Bod ov Menesmen bilong Modilon Haus Sik i givim tok orait long en.

Insait long dispela notis em Siaman bi-



Sekim blut

long Modilon Haus Sik bod, Pater Jan Czuba i tok olsem olgeta fi em ol siklain na ol lain bilong sekim blut i mas baim pastaim long fran opis bilong haus sik na bihain karim risit i go long patoloji seksen na givim ol teknisen long sekim blut.

Fi bilong sekim blut long baiokemistri tes em i K15. Antap fi stret long sait bilong sekim ol hat o lewa em K50 i go K60 na ol lain i gat sik long het na laik sekim

blut em mak bilong en tu em K50 i go K60.

Dispela ol nupela fi em Sif Eksekutiv Opisa bilong Modilon, Sista Christine Gawi i tokaut long en bihain long Pater Jan Czuba i givim tok orait long en.

Dispela toksave long senis bilong fi i no karamapim ol pikinini krismas bilong ol aninit long seven (7) na ol lapun krismas bilong ol i antap long 60 krismas.

Fi senis i no karamapim ol lain

sikman wantaim sik TB, HIV/AIDS, sik long het, lain nogat strongpela sik long ol, kensa, asmatik na sik muruk (epilepsy).

Dispela notis long apim fi bilong blut tes long Modilon i kamaut wanpela wik tasol bihain long haus sik menesmen i tokaut olsem marasin long hausik i sot long ol bai daunim wok bilong ol, na ol i tokaut tu long ol aut-pesen lain long go baim ol marasin long kemis o famasi long taun.

Wanpela wik bihain long dispela notis, Helt Minista Michael Malabag wantaim Helt Sekesteri i tokaut olsem ol i givim fes kwata mani sapat i go long Modilon Haus Sik na ol wok bilong givim marasin i mas go het.



Glasim Wokabout
wantaim
Rosa Koian

Vanuatu i painim rot bilong em yet

KANTRI Vanuatu em i wanpela liklik Melanesian kantri tasol em i sanap na go pas long sampela bikpela tingting insait long rijon bilong yumi.

Dispela kantri i bin stap aninit long kantri Frans inap yia 1980 em i bruk lusim Frans na kamap indepen. Em i no bin kisim indepens bilong em isi tasol. Nogat. Papua Niugini i bin salim ol soldia bilong em i go sapatim susa kantri long bruk lusim Frans.

Bihain taim ol i kisim indepens pinis ol i kamapim nau driman bilong ol, long mekim Vanuatu i sanap antap long ol stori tumbuna bilong em.

Lukluk long ikonimi bilong ol, ol i no gat planti samting olsem Papua Niugini i gat. Tasol ol i mas painim gutpela rot long ranim gut kantri bilong ol.

Wanpela bikpela samting ol i salenism em dispela tingting we yumi pipel bilong Pasifik yumi tarangu lain.

Vanuatu i tok nogat yumi no tarangu; yumi gat narapela sistem. Sistem bilong yumi em i kam long graun. Sistem bilong yumi i luksave long olgeta manmeri na pikinini insait long ol ples.

Ol i no salens tasol na lusim. Nogat. Ol i go bek na lukluk long wanem kain ol samting i gat bikpela veliu long ol na ol i save yusim olsem wanem. Ol i skulim olgeta yangpela na ol pikinini long luksave long dispela ol veliu.

Vanuatu i no tok nogat long mani sistem. Nogat. Ol i wokhat long painim rot long wanem wei stret dispela tupela sistem i ken wok bung wantaim.

Ol i tok graun em i givim yumi save, em i holim ol famili na klen wantaim na em i save lukautim yumi. Ol i bin wari tru taim ol i luksave olsem graun bilong ol i wok long lus long han bilong ol aninit long wanpela bikpela stil pasin. Olsem na ol i sanap strong long lukautim graun bilong ol.

Ol i tok ol pipel i silip long haus bilong ples we olgeta samting bilong wokim haus i kam long graun bilong ol, ol i no tarangu. Long wanem dispela ples haus em i gat liklik famili tasol i stap long en, na ol i save gat planti spes bilong malolo. Tasol ol famili we i silip long ol liklik bokis haus long ol taun, ol i tarangu aninit long sistem bilong mani. Ol famili i save tinpis insait long dispela haus na ol i save lusim mani long baim rent bilong haus na pawa na wara. Long ples em no gat.

Long sait bilong kaikai, ol famili long ples i save salim basket kaikai bilong ol lain bilong ol long taun olgeta taim, taim sip go long ol ailan. Ol i luksave olsem potnait pe i no inap lukautim dispela man o meri wantaim famili bilong ol long taun.

Vanuatu i lukim dispela olgeta samting na bikpela wok i ran long kantri bilong ol long traim long holim ol gutpela pasin bilong ol na long wankain taim painim rot bilong ol i ken wok bung wantaim sistem bilong mani.

Ol i save em i no isi tasol ol i mekim pinis na ol i gat bilip ol inap kamapim wanpela strongpela kantri, Vanuatu.

Mekim na Save

BRET

Sapta 2
...moa yet long hap 1 (BRET)
Kaikai bilong givim strong

Tok I go pas
Long sampela graun olsem Palestain na Yurop, wit na outs na bali na rai em I kaikai bilong ol long olgeta de olsem kaukau na taro na banana long Papua Niugini, na rais long Esia.

Ol I gat kain kain rot bilong kuim wit na outs na bali na rai. Wanpela rot em I olsem: Ol I brukim I kamap plaua na ol I tanim wantaim gris na wara, na bihain ol I kukim kamap bret.

Tok bilong kain kain bret
Insait lng wit na long bali na long rai tu, I gat wanpela kain marasin bilong holim pas plaua, taim yu kukim. Long kon na rais na sogom I no gat. Long taro na kaukau na saksak I nogat. Sapos yu memeim kaukau na bihain kukim o sapos yu wokim plaua kon na bihain yu tanim wantaim wara na kukim, orait, sapos yu kukim long stov I go drai olgeta, orait, taim yu katim, bai em I bruk bruk. Long wit I no olsem: Em bai pas na I stap olsem bret.

Olsem na sapos yu laik kukim bret wantaim plaua kon, na plaua kaukau, na saksak, em I gupela. Tasol yu mas tanim wantaim plaua wit. Mekim olsem, bai marasin insait long plaua wit I holim pas arapela kaikai tu na olgeta bai stap olsem bret.

Taim yu laik kukim bret, yum as I gat sampela samting olsem stov, na yis, na plaua. Nau mipela I laik toktok liklik long dispela.

Stov bilong kukim bret
Ol man I no sve kukim plaua long sospen wantaim wara Nogat. Ol I wokim narakain ples bilong paia. Em I gat namel bilong en olsem bel. Paia I hat ausait. Ol I putim dis wantaim plaua I go insiat, aia I hatim, tasol paia yet I no holim dis.

Sapos paia I holim dis, bai plaua I paia na I no inap tan gut. Orait, paia I no holim dis wntaim plaua, olsem na plaua I save stap longpela taim liklik insait long bel bilong stov na bihain tasol bret I tan.

Paia I mas hatim tru skin bilong stov, inap bel bilong en I hat gut. Olsem na ol I save wokim stov long strongpela samting olsme ston na graun. Ol I save wokim long stongpela ain tu, ol I kolim kas ain.

Sapos yu laik wokim wanpela giaman stov tasol, orait, yu ken wokim long olupela dram bilong kelasan. Yu ken wokim liklik stov long 20 lita dram (em I 4 galen dram), na bikpela stov long 200 lita dram (em 44 galen). Lukim long piksa.

Lukim gen long neks isu insait long wik I kam (Tok bilong wokim stov long dram)



Ol 4-pela klinik long NCD long traim Helti Ailan Projek

WANPELA nupela helt program ol i kolim Helti Ailan bai stat long foapela klinik insait long Nesenel Kapital Distrik (NCD).

Helti Ailan em wok bilong gavman bilong bipo, na i bin slip nating long longpela taim.

NCD helt sevis na Helt Dipatmen bai ranim dispela program aninit long ol polisi bilong NCDC long mekim senis long helt sevis long siti.

Ol dispela klinik em St Theresa klinik long Hohola, Gerehu Jeneral Hospital, 6-mail klinik na Lawes Rot klinik.

Ol i kisim dispela ol klinik, bikos long klin pasin na pasin bilong wok wantaim namel long ol helt wokman na meri na sikman em i bikpela long dispela ol klinik.

Ol menesa bilong ol dispela foapela klinik, i bin kisim wan wik trening bilong helpim ol long senisim klinik bilong ol na promotim klin pasin, wantaim

helpim bilong NDoH Promosen brens Ekting Menesa, John Honani na teknikel opisa Jubal Agale na Rose Degemba.

Helti Ailan i save promotim helti ples sindaun long ol hap ples olsem ol haus sik, stua na maket

antap long tok olsem 'helti distrik i save kamapim helti provins na helti kantri'.

Aninit long dispela projek, Domil viles long Westen Hailens na planti ol distrik long Maprik, Is Sepik provins, i senis na stap gut tru.

Eksekutiv Menesa bilong Pablik Helt, Dokta Bieb Sabuak i tok olsem Helti Ailan projek bai senisim tingting na pasin bilong ol man na meri, na helpim long mekim gupela tingting na stap gut.

"Dispela wok em bilong lukim ol pipel i wokim gupela samting wantaim pipel na i no wokim long pipel," Dokta Sabuak i tok.

Em i tokim ol menesa long



Loto Losenamo insait long Helt Ailan Projek woksop.

rekotim wanpela piksa long olgeta senis i kamap long wan wan haus sik bilong ol.

"Bihain long 5-pela yia, bai

yumi lukluk bek long lukim ol dispela foapela haus sik olsem piksa bilong dispela wok," em i tok.

Trening long Pastoral Ministri

Roger Purcell msc, facilitator

PASTORAL Sab-Komisin bilong Litejikal Institut (LCI) long Goroka i bin gat wanpela miting na woksop i bin kamap long Me 24 i go inap 28.

Dispela grup i bilong ol Pastoral senta dairekta na kodineta na ol Pasto Vika bilong ol Daiosis.

Narapela miting bilong ol i bin kamap long 2015, long taim ol i lukluk long Konprens Pastoral Plen na wanem samting em i ken kamapim long trening na fomesen bilong ol pastoral woka na minista.

Wok bilong dispel yia bai skruim dispela stadi long helpim ol Pastoral Senta long kisim ol ki aidia bilong Pastoral Plen na mekim i kamap bikpela hap bilong ol fomesen kos, ritrit, ol woksop na kain olsem.

Ol dispela samting em Sios, Misteri bilong Komunio, Evanjelaisesen/Inkalturesen na Jastis, Bel Isi na Integriti bilong Kriesen. Astingting bilong dispela em long mekim ol lae minista i kamap ol pipel husat i bihainim ol dispela samting na long laip na pasin bilong ol.

Ol lain i bin stap long dispela miting i kam long Alotau, Kerema, Honiara, Madang, Mendi na Goroka, na i makim ol Pastoral Senta long ol dispela



Pater Clement na Sister Rosemary Babate FMI, husat i nupela siaman.

hap. I bin gat 6-pela daiosis tasol i kamap namel long ol 22 Konprens.

Pastoral wok bilong ol dispela senta em i impoten long wok bilong Sios na dispela miting em i ples we ol i ken bung na toktokt na serim ol wok bi-

long ol na kamapim sampela nupela material.

Pater Roger Purcell msc, i bin go pas long dispela miting.

Pater Joe Ensing msc husat i bin siaman long planti yia i bin risain na Sister Rosemary Babate FMI, husat i wok long Pas-

toral Senta long Mendi, na nau em i stat mekim wok bilong Dairekta long Kefamo Pastoral Senta. Em i namba wan meri long holim wok bilong siaman na em i namba wan Papua Niugini tu long kisim dispela posisen.

The Giluwe Vius

To contribute to this page, contact MY Media & News Agency on mobile: 70747450

Gabriel Andandi Thank Tambul-Nebilyer Students For Endorsement

CANDIDATE for Tambul-Nebilyer Open Seat 2017, Gabriel Andandithank more than 2,000 students from Tambul-Nebilyer attending colleges and universities in PNG and abroad who took the bold stand to endorse and nominate him for 2017 Tambul-Nebilyer Open Seat.

These studentseven contribute to pay his nomination fee on April 24 at Tambul station, from their heart and Gabriel is very humbled.

Mr. Andandi started paying Tambul-Nebilyer students' school fees since 1997 from his own pockets because when he was a teacher, he hate seeing students leaving class and school because of school fee reasons.

After establishing the "Tambul-Nebilyer Tertiary Student School Fee Initiative", Gabriel took as part of his responsibilities to see more students get better education and contribute back to their family, communities and district positively. He had the dream that if all Tambul-Nebilyer can be educated, we will see tangible developments including schools, roads, electricity, health centers and other infrastructures in the district.

Mr. Andandi sponsored more than 2,000 students from the district and other parts of the country. Most are now occupying responsible positions. The continuing students are under his sponsorship scheme in which more than half a million Kina was spent this year, under the motto, "A visionary leader to have an educated population".

"My dream is to produce more pilots, medical doctors, nurses, teachers, accountants and other professionals to assist me in making our electorate and country a peaceful and prosperous place to live in,"

"When the students endorsed me, I humbly welcomed their intention because ours was the same, "to have an educated pop-

ulation". I accepted because more than 2,000 students and intellectuals from throughout the district endorse me to be their MP and represent our people on the floor of parliament,"

"I was convinced that am not endorsed by one individual person or a self-interest organization or a political party serving its political agenda. The students' intention was to have an educated population through my ongoing school fee assistance and we all accepted that. Our dreams and desires were similar and this brought us all together,"

"We all agreed that if I can use my own hard earned cash since 1997 to assist students till today then imagine the extent of assistance I can offer when in Parliament," Mr. Andandi said.

Mr. Andandi is over qualified to represent his people in Parliament given his extensive and rich working experience and educational qualification. He can debate and talk in Parliament on issues of national and global importance and rub shoulders with world and regional leaders.

The first time candidate achieved the highest degree with a Masters in Human Resources from Monash University in Australia after the Bachelor's Degree from the University of PNG. His



Mr. Gabriel Andandi is confident he is the ideal candidate to represent the people of Tambul-Nebilyer.

last job was with UNICEF under the United Nation, then Department of Education, PNG National Commission for UNESCO, Part-Time Lecturer at UPNG and others. He clocked 10 year in the public sector and 10 years in private sector until he resigned and became a successful businessman.

"I experience working in teams with international organizations like UN (UNESCO, UNICEF, UNAIDS, UNDP) and in partnership with AusAid, NZAID, EU and other part-

ners managing millions of US dollars projects. I have extensive understanding of PNG schools and established extensive network with international organizations, key government agencies, donors, communities, churches and NGOs,"

While with UNICEF, Gabriel implemented a program and brought back 1,900 girls to schools that were out of schools for various reasons like school fees, early pregnancy through the education program. He develop a community based strategy where the whole community pays for children school fees regardless of one having a child in school. This was initiated because one of the main reasons why children dropout is school fee. His work instills in him the passion to assist students from his electorate and others with school fees so they can have a decent life and bring up a good family.

Mr. Andandi plans to use his network and experience, coupled with educational qualification to contribute meaningfully beyond everybody's expectation. He will use his network and solicit funding and resources from outside and not necessarily depend on government annual budget only.

"If ever there a legacy be left behind under my leadership, it must

be peace, love, prosperity and the environment where one must live to exercise his/her full human potential. That is my dream and that will only be through better education,"

"I personally appeal to all the students to remember that my school fee initiative will continue and urge you all to equip me with all the available resources. Apart from what I already have, I ask you all to give me the mandate in this election,"

"I thank the 2,000 plus students' to endorse and nominate me. And I appeal to the parents, relatives and wantoks of these students not to let down the students by giving me your vote,"

"To the people of Tambul-Nebilyer, you will one day have a child going to school and will need school fee. That child shall be under my care as I am "A Visionary Leader to Have An Educated Population"

"Let us look into our hearts and let us look down into the faces of our young students from Tambul-Nebilyer. Is there anything in this world that can stand in their way? In their faces live our hope, our love, our courage and promising future, and it is my commitment to support them. And I will continue as long as I live," Mr. Gabriel Andandi reiterated.



Students listening to Gabriel Andandi.



NORMAN FINANCE LIMITED
Financial Solution Providers for a better future

Norman Finance Limited

P.O. Box 891, Waigani, National Capital District
Phone: (675) 326 3281, Fax: (675) 326 3281
Email: gandandi@hotmail.com



GST #
18351

Interest rates are reasonable:

- We offer
- Low Interest Rates
 - Efficient Services
 - No Service Fees
 - No Default Fees
 - No Processing Fees
 - Rebate on Early Settlement
 - Service within 36 Hours

A Subsidiary of Universal Service Limited

WANTOK KOMENTRI

Ol pipel i redi tasol long makim ol gutpela lida

LONG dispela nesanel jeneral ileksen bai i gat 10,825 ples bilong vot na bai i gat 4,882 tim bai i wok long ol dispela stesin long taim bilong vot. Ilektral Komisn i tokaut long dispela wik olsem Gavman Printa i printim pinis ol nem bilong ol dispela ples bilong vot na ol i salim nau i go long 22 provins insait long kantri.

Ol i brukim ol dispela 4882 tim i go long tupela hap, wanpela lain bai i wok long ol ples we bai i gat wanpela de tasol long vot.

Ol kain ples olsem Pot Mosbi bai i vot long wanpela de tasol na long ol ples we ol tim i mas wokabaut i go long tupela o moa viles, bai ol i vot moa long wanpela de. I gat 3552 tim bilong lukautim wan de poling na 1,330 bai lukautim ol ples we i gat moa long wanpela de bilong ol pipel i vot.

Morobe provins i winim ol arapela provins we i gat 1,060 ples bilong vot na Manus provins we i gat wanpela distrik tasol bai gat 160 ples bilong vot.

Wok bilong 2017 nesanel ileksen bai i karamapim 344 lokal level gavman na 6237 kaunsil wod insait long kantri.

Ilektral Komisn i tok save gen long ol pablik olsem ol pipel bai i stat long vot long Jun 24 na pinis long Julai 8. Olgeta wok bilong ileksen o rits bai go bek long Gavana Jeneral long July 24.

Na wanpela wik bihain long dispela, bai namba ten palamen bilong PNG i statim kibung bilong en.

Ol pipel i wok long putim yau long harim nem bilong ples bilong



vot na wanem ol de ol i ken kamap na putim vot bilong ol. Olsem na pablik tok save i mas go aut nau na bai i gat gutpela ileksen i kamap.

Long ol kain ples olsem Mosbi na Lae we i gat wanpela de tasol long vot, bai sampela pipel i kisim taim. Long Mosbi bai ol pipel inap vot long Tunde 27 Jun tasol na dispela

de em i taim bilong wok. Bai ol kampani inap long givim taim long ol wokman na meri i go tromoi vot bilong ol o nogat?

Long sampela ples long Hailans i gat komplek i kamap long ol ples bilong vot i senis.

Ol i wari bikos long ol hevi bilong paıt na sapos ples bilong vot i senis

bai sampela pipel i pret long go vot long nupela hap. Dispela em sampela hevi ol opisa bilong Ilektral Komisn i mas stretim bipo long vot i stat long Jun 24.

Wok bilong sekjurit long dispela taim em i wanpela bikpela samting tasol ol polis, soldia na woda i redi long mekim wok bilong ol. Wok bi-

long ol em long was long ol wok bilong Ilektral Komisn long taim bilong vot na bihain long vot i pinis. Ol i no inap long kamap ol sekjurit bilong ol kendidet long taim bilong ileksen.

Long taim Ilektral Komisn i stretim olgeta wok na redi long taim bilong vot, i gutpela tu sapos nesanel gavman i helpim long baset bilong baim ol lain i givim sevis i go long Ilektral Komisn.

Long dispela ileksen bai ol i kisim 30,000 wokman na meri long sotpela taim na bai ol i helpim ol ileksen opisa long taim bilong vot na long taim bilong kaunim ol vot.

Long ileksen bilong 2012, i bin gat bikpela komplek tru long ol sevis provaida husat i no kisim mani bilong ol wok ol i bin mekim long taim bilong ileksen.

Planti bilong ol i bin wet inap long dispela yia na ol i wet yet bikos i no bin gat mani bilong baim ol long baset bilong 2017 ileksen.

I tru olsem sampela kon lain tu bai i karim pepa i kam long kisim mani, tasol planti bilong ol lain i wet yet em ol lain i bin mekim tru wok.

Dispela 2017 nesanel ileksen em i wanpela rot tasol long makim ol gutpela na trupela lida i go long Palamen long faipela yia. Ilektral Komisn i mekim wok redi pinis.

Nau em i taim bilong yumi ol pipel long skelim tingting gut na makim ol gutpela lida bikos faipela yia em i longpela taim.

Sapos yumi gat ol gutpela lida, bai ol pipel i ken stap amamas na kantri i ran gut.

Long laip, gutpela long wet

NAU long kompyuta na teknoloji taim (age) wet o long Inglis ol i tok patience long planti manmeri dispela i nogat moa mining.

Ol i tok sapos yu wet, narapela bai kisim na yu bai nogat.

Dispela long sampela wei i tru tasol ating em i amamas bilong sotpela taim tasol.

Wet o long yu kisim taim long laip long mekim kisim samting i gat kaikai bilong em.

Long yu wet long kisim kaikai bilong yu na kaikai, long kisim spes long bus long hap yu laik go long em, yusim mani bilong yu o wet long winim ileksen na go insait long palamen, dispela ol samting gat gutpela kaikai.



Long tok Inglis ol i tok blessing.

Long wanpela stadi o wok painim ol saveman bilong Stanford Yunivesiti long Amerika i karimaut long 1968 namel long ol elementari prep sumatin ol i painim planti kain kamap bilong sindaun bilong ol pikinini long bihain-taim bilong ol,

Long dispela ekseais ol saveman i givim sokolet (chocolate) long ol mangi.

Ol i givim sokolet long ol pikinini na wet liklik na bihain ol i givim ol sokolet gen long ol pikinini.

Ol i laik painimaut husat bai kaikai sokolet bilong em hariap.

Long dispela sampela ol mangi i no kaikai sokolet bilong ol hariap inap long namba tu taim.

Tasol ol i no tokim ol pikinini olsem ol bai givim sokolet tupela taim.

Bihainim dispela traım ol i bihainim laip bilong ol pikinini long mak ol i kisim long skul na wei ol i mekim ol samting inap long sindaun bilong ol taim ol kamap bikpela.

Ol i painim olsem ol sumatin we i wet long kaikai sokolet long ol planti bi-

long ol i stap gut long laip long bihain taim moa long ol sumatin husat i hariap long kaikai sokolet bilong ol.

Ol saveman i painim olsem ol sumatin husat i wet long kaikai sokolet i save kisim ol wok we pe i gutpela, ol i nogat plati hevi long laip na long komyuniti. Bihainim dispela wok painim na narapela ol wok painim ol bin karimaut ol saveman i tok wet long mekim o kisim samting long laip i gat blessing long em.

Yumi olgeta i gat stori bilong yumi long wet.

Sapos yumi yusim dispela ol ekspirians, Skelim Tingting i bilip laip bai i no inap hat long planti taim long stap bilong yumi.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantokniuspepa.com

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Frieda Sila Kana

Printed and Published at: Dove Travel Building, Level 2, Section 24, Lot 25, Angau Drive/ Lahara Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

ELCPNG i givim trening long wok wantaim ol disabel



JUBILI SELEBRESAN

Long de 9 Me 2017, mi bin kisim balus na i go antap long Maun Hagen. Faivpela de mi stap long Maun Hagen long mekim ritrit bilong mi wantaim Pater na Sista i kam long hailans na nambis.

Bihain long ritrit, long de 15 Me 2017 mi wantaim sampela wantok i go daun long Goroka long bihainim Silva Jubili (25 yia) selebresan bilong Bruder Martin Tnines SVD long Melanesian Institute (MI) long Goroka. Br Martin i kam long Timor Ailan long Indonesia. Em i kamap long PNG long yia 2000 na wok wantaim Melanesian Institute inap nau. 17 Krismas i stap long PNG na 25 krismas long Promis (vows) bilong em insait long Sosaiti bilong Divain Wod (SVD).

Selebesan i kamap long 17 Me 2017. Bikpela lotu i bin kamap insait long Melanesian Institute kempus. Olgeta staf na wokmanmeri bilong Melanesian Institute na planti manmeri i bin kamap tu long dispela spesel de bilong Br. Martin.

SVD Pater, SVD Bruder na Holi Spirit Sista bilong Indonesia i wok long PNG wantaim Ambasador bilong Indonesia is stap long Pot Mosbi tu i kamap na selebretim bikpela de bilong Bruder Martin.

Santu Misa i kamap naispela tru wantaim singsing bilong Bahasa Indonesia, Pisin na English. Bruder Martin i amamas tru na tok tenkyu long olgeta wantok bilong em, olgeta staf na wokman bilong MI na olgeta manmeri i kam na bung long bikpela lotu bilong Tok Tenkyu long God.

Long de 18 Me 2017, mi kisim balus long Goroka na pundaun long Pot Mosbi na kisim ka i go long Hanuabada. Tupela de bihain, long de 20 Me 2017, i gat narapela Jubili selebresan gen long Hanuabada.

Dispela taim, i gat tupela Missionary of Charity (MC) Sisters; Sr. Celestine MC i selebretim DIAMOND Jubili (60 Krismas) long kamap Sista na Sr. Anastasia MC husat i selebretim Silva Jubili (25 krismas) bilong em long kamap Sista insait long konven bilong Missionary of Charity Sister.

Sr. Celestine i kam long kantri India. Em i wanpela MC Sista i kamap pas long PNG na wok inap nau. Sr. Anastasia MC i kam long Mekeo long Central Province.

Long wankain Lotu, i gat tupela yangpela Sista bilong India tu i wokim nupela gen promis bilong ol i stap insait long MC sista.

Santu Misa i liklik tasol wantaim bel tru wantaim naispela kwaia bilong St. Michael Parish Hanuabada. Mi yet (Fr. Paul Liwun SVD) wantaim Fr. Victor D'sa SVD i wokim Misa long jubili selebresan bilong tupela MC Sista long Hanuabada. Mi yet i go pas, na Fr. Victor i givim skul long taim bilong Santu Misa.

Em i stori bilong mi long Silva Jubili bilong Br Martin Tnines SVD long Goroka na tupela MC Sista long Hanuabada; Sr. Celestine MC na Sr. Anastasia MC.

Olgeta i amamas long jubili selebresan bilong ol, na ol i amamas yet long mekim wok misin bilong olgeta de long mekim Kingdom Bilong God i kamap klia namel long komyuniti bilong yumi PNG. *****

Paulus Tali i raitim

WANPELA trening woksop, bilong wok wantaim ol Disabel manmeri i bin kamap long Okari Konprens Hol we moa long 24 pipel i kam long ol distrik, seket, na peris bilong ELCPNG long kisim trening.

Ol dispela pastor, seplin, na ol arapela lain husat i kamap long dispela woksop bai kisim setifiket na kamap ol trena bilong disabiliti long wan wan hap we ol i stap.

Reveran Elyamas Bakung, seketeri bilong Evanjelisim Dipatment, i opim bung wantaim

prea, na serim tok bilong God, long Buk Baibel, long tok bilong Sakaius, husat em sot-pela man, i go antap long diwai na laik lukim stret Jisas Krai, em husat.

Reveran Bakung i tok, "Yumi no ken painim Jisas, em husait, yumi yet mas go aut na tokaut long tok bilong God, long helpim arapela husat i sot na stap. "Em i tokim ol lain husat i kamap long dispela woksop, "Yupela kamap long woksop, em i no asua, pasin bilong daunim yupela yet i mas stap. Luksave long helpim ol arapela husat i nidim

helpim tru long singaut o tok bilong God."

ELCPNG Disabeliti kodineta, Dalina Isaac i tok, tenkyu long Rev-eren Elyamas Bakung long salensim olgeta lain i kamap long dispela woksop long sanap strong na daunim ol yet olsem ol tul bilong Bikpela Jisas.

Em i tokim ol long go aut na sevim ol narapela husat i stap long bagarap, helpim ol long tok bilong God, "Disabel olsem ol lek nogut, han nogut, yumi mas mekim gut long ol na bringim ol kam long sios, Misis Dalina Isaac i tok.

Misis Dalina i tok tenkyu tu long Callan Service Ogenaisesen, husat i save wok bung wantaim ol sios, long kain kain program bilong helt, na arapela bikpela program olsem disabel, em Callan Service Goroka tu i lukluk long em. Em i tok dispela i namba wan taim long Callan Service i wok wantaim Lutheran Sios, planti taim em i save wok klostu wantaim Anglican Sios, long ol program bilong em.

Reveran Bakung i tok dispela program bilong Disabeliti, stap insait long ELCPNG Vision 2020 na nau ol lain i

kamap long woksop bai strongim wan wan hap ol i stap long en na strongim sios bilong God na sios patnasip program ELCPNG sanap baksait long en long sapotim program bilong disabeliti.

Meri husat makim Callan Service, long Goroka, Saimonah Mokepa i tok em i amamas tru long kamap long wok bung wantaim Lutheran Sios, long dispela program bilong disabeliti. Em i tok, Anglican sios i save, go pas long dispela program na nau Lutheran Sios i askim long kam insait tu.

Maiamzariang Lutheran Sios Kisim Krismas Tawa

Sanang Zazing i raitim

BETHEL Lutheran Sios bilong Ngaruwapum Peris insait long Lowa Yours, Markham, Morobe, bai hostim 2017 Krismas Baibel stadi. Maiamzariang, Tofmora, Gainarung na Gutzuap i bung long Maiamzariang kongregesen na opim nupela tawa bilong Baibel stadi. Uzuwam Lutheran Sios i bin holim 2016 Baibel stadi.

Bethel Peris i karamapim Gainarung, Maiamzariang, Tofmora, Gutzuap, Bantur, Yanuf, Buaningtumuan, na Intzi. Bung long Sande 7 Me, 2017, i lukim moa long 1000 pipel i bin bung long Maiamzariang kongregesen na opim Krismas Tawa. Long bung ol i holim Baibel stadi, song na drama, Krai in kalsa, na mekim lotu na blesim tawa.

Rev. Kealingsa Yatapsa i bin holim Baibel stadi long pasin bilong givim ofa long God. Rev. Yatapsa em bilong Sokaneng insait long Finschhafen. Em i mekim wok pasto long Lutheran Sios Kaiapit seket inap long 7 yia olgeta.

Pasin bilong givim ofa long God i bihainim tok i stap long 2 Korin 9: 6-9. Het tok bilong stadi em, "Painim aut posin na givim rait marasin, " long soim stretpela pasin long givim ofa i go long God. Ol Kristen mas redi long givim samting i go long God. Olsem Aposel, Pol i tok. 'Yupela i mas redi, olsem

na yupela i no inap painim samting bilong givim. Wanem samting bilong givim ofa - yupela i mas putim long sait na givim long God. Bikpela samting insait long pasin bilong givim i go long God. God i laik lukim bel na tingting wantaim spirit bilong man long pasin bilong givim, 1 Korin 16 :1-2.

Bikpela tok bilong stadi em: "Mi no laikim ol ofa nating bilong abus yupela i save mekim. Mi laikim tumas bai yupela i givim bel bilong yupela long mi oltaim, na mi laik yupela i save gut long mi, 'Hosea 6:6.

Tupela lida bilong ples Maiamzariang Gedisa Kaukesa na Martin Buzuang i bin go pas long statim bung. Long nau i go, Maiamzariang kongregesen bai hostim Krismas 2017 Baibel stadi.

Pasin bilong wok bung i stap namba Wan namel long ol Sios grup. Long dispela bung, ol Rivaival, Baptist, Assemblies of God, wantaim arapela i stap na amamas wantaim.

Rev. Kealingsa Yatapsa i bin opim bung na blesim Krismas Tawa, na LLG Presiden Mr Yansom Lui i bin katim ribon na opim tawa.

500 Yia Refomesen, 2017 Sampela bikpela tok bilong Sios i bin kamap em tok bilong 500 yia selebresan. Lutheran Sios long Wol bai makim sios i sanap long graun inap long 500 yia nau. Long 31 Oktoba 2017, bai olgeta Lutheran Sios long Wol bai amamasim Re-

fomesen de.

Papua Miugini Lutheran i Redi

Olsem na ol Lutheran insait long PNG i wok long redim ol yet long bungim bikpela de bilong ol. Long taun Wittenberg long Jemani, Rifoma Martin Luther i bin raitim 95 Het tok (thesis) na nilim long dua bilong Castle Sios, i soim ol asua bilong Sios egensim tok bilong God.

Dr Martin Luther i bin sanap strong long tingting bilong

God i kisim man bek long marimari bilong em yet. Long marimari bilong God tasol em i kisim bek olgeta manmeri i bilip long Jisas Krai. Man i no inap long kisim laip oltaim long narapela rot. 'Efesas 2:8-9.

Olsem na amamas bilong olgeta Lutheran Sios long wol em long tok amamas long marimari bilong God i kisim ol bek long pawa bilong sin na ol i stap fri olgeta.



Sista Marie Madeleine na Martyna bilong Madang Diocese. Tupela i bin stap long Pastoral Ministri trening bilong ol relijes wokman na wokmeri long Goroka long pinis bilong mun Me. Poto: Pater Roger Purcell.



Wes Papua: Jayapura em i bikpela taun na haus lotu bilong ol Muslim i stap namel long ol stua.

Wes Papua: Insait long maket o pasar long Manokwari.

Raun long Papua na Wes Papua

Don Niles i raitim

LONG Janueri em nambawan taim bilong mi long kalap long boda na go long Indonesia. Mi bin go long Papua na Wes Papua. No ken paul.

Papua na Wes Papua ol i nem bilong tupela provins bilong Indonesia. Papua provins em stap long boda wantaim yumi long PNG. Na Wes Papua provins o Papua Barat em i stap long hap bilong ailan i go moa long wes.

Hamas man o meri PNG i save kamap turis na raun i go long Papua o Wes Papua? Mi no ting em planti tumas.

Tru, sampela i stap long Sandaun provins i save go long batas maket i stap long hapsait bilong boda tasol. Long Tok Indonesia, mining bilong batas em boda.

Ol i save salim planti samting long dispela maket, na prais i winim PNG. Tasol ating planti lain i no save lusim maket ya na go moa long dispela tupela provins. Lusim boda na go long Jayapura o Sentani, em gutpela rot i stap.

Longpela taim mi save harim nem bilong sampela hap long Papua na Wes Papua olsem Jayapura, Sentani, Merauke, Manokwari, Sorong, o Fakfak.

Em ol taun i stap long dispela ailan wantaim yumi, olsem na mi ting bai wankain tru olsem ol ples long hia. Taim mi go long hapsait bilong boda, tru, mi lukim sampela samting i wankain olsem long PNG, tasol planti samting tu i narakain.

Sampela man i bin tokim mi olsem mi mas karim buai, daka, na kambang bilong PNG i go long Wes Papua, bilong wanem ol i no gat o buai bilong ol i no gutpela tumas.

Ol i giaman ya. Ol dispela samting i pulap i stap, tasol yu mas lainim nem long Tok Indonesia: buai em pinang, daka em siri, na kambang em kapur.

Na no ken wari long kaikai buai long hotel o arapela hap olsem. Ol bai putim notis long yu mas

spet gut na ol i makim rabis bin bilong spet.

Ol i no tambuim ol manmeri long kaikai buai, tasol ol i helpim ol long makim ples bilong spet. Em gutpela pasin.

Long Jayapura na arapela ples i stap klostu long boda, wan wan man o meri bai save Tok Pisin liklik. Tasol long taim yu lusim boda na go moa long wes, bai no gat olgeta.

Sampela i save Tok Inglis, tasol mobeta yu traim lainim wan wan toktok long Tok Indonesia.

Ol lain bai amamas long yu traim toktok wantaim ol na bai helpim yu tu.

Planti ples kaikai i stap long rot we prais i daunbilu. Na long sampela yu ken baim papeda, em saksak ol i tanim long hatwara. Wankain olsem ol Sepik i save tok nangu long en. Hamas ples kaikai long hotel bilong PNG i save kukim na salim nangu?

Long Papua na Wes Papua, planti man na meri i save raun long motobaik. Na taim mi go long Manokwari, ol motobaik i pulap tru. Draiva i putim yelopela helmet em makim em wanpela motobaik teksi o ojek.

Yu tromoi han na ojek bai stop na kisim yu. Yu sindaun long baksait bilong draiva na sapos yu no save long raun long motobaik yu mas holim draiva.

Em bai kisim yu i go long wanem hap yu laik. Tru, bas i stap, tasol sapos yu no save gut long ples, em i hat liklik long raun long bas.

Tasol long ojek yu kolim nem bilong ples na draiva bai kisim yu i go stret. Prais em K2 o K3 samting. Teksi bilong yumi i wankain prais o?

Prais bilong planti samting long hap i daunbilu. Yu ken painim planti hotel bilong slip we prais em K50 long wanpela rum. Long Manokwari, gutpela hotel long nambis i gat ol rum long K100 inap long K200.

Bai yu sotwin long traim painim hotel i gat dispela kain prais long

Mosbi o planti arapela taun long PNG.

Ol ATM i pulap long Papua na Wes Papua, olsem na sapos yu gat kredit kad, yu ken go long ATM na kisim mani bilong Indonesia. No ken wari em san o nait, ol ATM bai op yet na ol manmeri i no save pret long raun long nait.

I gat planti haus lotu bilong ol Kristen na bilong ol Muslim tu. Long maket long Jayapura, mi bungim wanpela man Jiwaka na famili bilong en.

Ol lain Muslim na man ya em i go lukim pikinini meri bilong en i skul long Jayapura.

Ol Papua na Wes Papua i save wokim bilum tu. Long Tok Indonesia ol i kolim noken. Na long Jayapura ol meri i save salim ol bilum arere long rot, wankain olsem long hia.

Sampela bilum i luk wankain olsem bilum bilong PNG, tasol sampela i narakain tu ya.

Mi amamas tru mi gat sans long raun liklik long Papua na Wes Papua provins.

Maski tingting long raun ovasis long Australia o Singapore tasol, ating gutpela moa long lukluk long Papua na Wes Papua. Em gutpela long lukim ol wantok long hap tu.



Wes Papua: Salim buai o pisang long bikpela maket long Manokwari.

Wes Papua: Ol bilum o noken ol i salim arere long rot long Jayapura. Dispela yelopela bilum i kam long ples Paniai.



Ol lain Muslim bilong Jiwaka i raun long maket long Jayapura.



Wes Papua: Planti bikpela sip i go pas long bris long Jayapura.

Ol famili memba i train 2017 Nesenel Ileksen

JAMES G. KILA i raitim

WANPELA kain nupela pasin nau i wok long kamap long PNG politiks long dispela 2017 Nesenel Ileksen. Em i soim olsem politiks i surik nau i go insait long famili na ol memba long famili laik soim save bilong ol.

2017 Nesenel Ileksen stori

Long dispela yia 2017 em narakain olgeta we i lukim ol lida i givim tokorait long meri bilong ol tu long resis long Nesenel Ileksen.

Yumi nau i harim na lukim long niuspepa pinis na televisen olsem Jean Parkop, meri bilong gavana bilong NCD, Powes Parkop, bai resis long Noten provins (Oro) ri-

jonal sia na salensim Gary Juffa. Narapela meri tu em Theresa Kas husat bai resis long Manus Rijonal sia.

Dispela tupela gavana bilong NCD na Madang i lukim meri bilong ol tu i resis long asples bilong ol long sia bilong gavana stret.

Jean Parkop i bilong Noten provins, na em i kisim blesing bilong man bilong em husat i Gavana bilong NCD, long resis long sit bilong gavana bilong Noten provins. Wankain tu, Theresa em meri bilong Gavana bilong Madang, Jim Kas na em bai resis long sit bilong gavana long Manus rijonal.

Ol pikinini bihainim lek-mak bilong papa GAVANA bipo bilong

Madang, James Yali em wanpela kendidet husat bai givim bikpela salens long ol arapela kendidet husat i resis long Madang Rijonal sia. Na pikinini bilong em James Yali Junia, bai resis long long Raikos Open.

Mista Yali senia i resis aninit long Nesenel Alaiens (NA) Pati na pikinini bilong em James Yali (Junia) i resis olsem independen kendidet.

Senia James Yali bai salensim ol lain olsem gavana Jim Kas, memba bipo na lida bilong Pipols Leba Pati (PLP) Peter Yama, PNG Difens Fos Komanda bipo, meja jeneral (ritaia) Jerry Singirok na ol arapela. I gat tupela meri tu i resis long Madang rijonal sit.

Dispela pasin bilong

lukim ol wan famili memba i resis long ileksen i kamap narakain liklik long 2017 Nesenel Ileksen. Moabeta, ol politikal saveman bai mas stadi long dispela kain politiks bilong Papua Niugini, we i lukim nupela kain developmen na pasin we i go narakain long kalsa na sistem bilong demokrasi.

Long Madang ileksen nau em soim sampela kain piksa pinis we long 2012 ol pipel i lukim papa, mama na pikinini tu i bin resis long ileksen. Dispela em taim lida bilong Pipols Leba Pati (PLP) Peter Yama i bin resis long 2007 ileksen na meri bilong em Mama Agatha Yama tu i bin sanap.

Dispela pasin bilong

lukim papa na pikinini i gat sia long Palamen i bin kamap pastaim tru taim Gren Sief Sir Michael Somare i winim sia olsem Gavana bilong Is Sepik, na pikinini man bilong em Arthur Somare i bin winim sit bilong em long Angoram Open long 2007 Nesenel Ileksen.

Long Nu Ailan provins long 2007 Nesenel Ileksen tu i bin lukim praim minister bipo, Sir Julius Chan i winim sia bilong Nu Ailan Rijonal na pikinini bilong em i winim sia bilong Namatanai Open.

Bihainim lek-mak bilong Papa

Wanpela bikpela stori long 2017 Nesenel Ileksen em olsem papa bilong kantri, Gren Sief Sir Michael Somare bai no

inap resis gen bihain long 49 yia long wok politiks.

Tasol PNG i save pinis olsem las pikinini meri bilong em Dulcianna Somare Brash bai resis long kisim ples bilong papa bilong em long Is Sepik Rijonal sit. Em bai resis aninit long plak bilong Pangu Pati, em papa bilong em wantaim ol lida bipo i kirapim.

Long Nesenel Kapital Distrik (NCD) Rijonal sit tu, wanpela meri i resis bihainim lek-mak bilong papa. Nem bilong dispela meri em Anna Skate, na em i bihainim lek-mak bilong papa bilong em, Bill Skate, husat i bin kamap praim ministra.

Usino-Bundi Open kendidet John Opotio i laik bihainim lek-mak bilong papa bilong em Opotio Rimura, husat i bin namba wan MP bilong distrik. (top-right)

Wanpela sapota i soim posta bilong Madang rijonal kendidet James Yali na pikinini man bilong em James Yali (Jnr). Poto: James G. Kila



James Yali (lephan) kendidet bilong Rigonal Sia. Photo: James Kila.





Pipia i winim Papua Niugini...

Toro



Biabia



Kanage



Votim aut Korapsen!

Taim bilong yumi sanap na makim gut lida husat bai givim servis long pipel long dispela 2017 Ileksen. Noken aipas bikos yu kisim moni long ol kendidet na yu givim vot. Skelim gut na yu givim vot.

Wantok Niuspepa kempen long Stopim Korapsen!



Rait sigi...

Rait sigi: Konci Peter bilong Pasifik Koporet Sekuriti i lukautim Dove Travel opis long Boroko. 6kilok moning em wok bilong em bai stat long lukautim trafik insait long banis bilong Dove Travel. Yu ting yu fesman long kam insait long opis tasol nogat, Konci em sindaun insait long banis pinis na lukluk long yu i stap. Em stap long Gaden Hils na 5 kilok bik moning em save wokabaut i kam long Boroko na stat wok long 6 kilok moning. Em i save salim Wantok Niuspepa long hap tu. Rait sigi!



K4000 a month or Negotiable!

Rainbow Units on Rent
Inside Wantok Compound with security gate

Upstairs - 2 Bedroom & 1 Study room
Downstairs - Lounch, Kitchen & Toilet/Shower facilities.
All white goods available.
Ample parking space, front lawn has best recreation area for barbaque and family gatherings.

4 units available for rent.
K4000 a month or Negotiable!

Call Word Publishing and ask for Buana Ragela on PH: 325 2500 or Mobile:70682533 to inspect the site.

Pipel Kamap Olsem Wanem

STORI BILONG TUMBUNA

Longtaim tru long bipo i no gat man meri long olgeta hap long graun. i gat 3-pela pipel tasol save stap long senta bilong graun. Namel bilong olgeta hap bilong graun i gat wanpela bikpela wara i stap.

Na tu i gat wanpela longpela i pulap tru na i pulap tru long ol kain kain animal o abus. Sampela i bikpela na liklik tu.

Nau dispela 3-pela pipel hia, em ol meri tasol. Mama em i lapun meri na namba wan susa em bikpela meri na liklik susa em i yangpela meri. Orait, lapun meri hia wanpela taim em wantaim tupela pikinini bilong en i go antap long ispela longpela maunten na ol i sanap antap long maunten na lukluk i go long olgeta hap graun. Tasol ol i no bin lukim sampela manmeri long narapela sait. Olsem na lapun meri ya em i tingim taim ol i kam bek long ples bilong ol, em i stadi long tingting bilong em long em i laik wokim manmeri na salim i go nambaut long inapim olgeta hap long graun.

Orait, lapun meri em i tingting na stadi pinis, em i tingim sapos mi jukim ol, mi kilim tupela pikinini bilong mi, sit bilong tupela inapim planti manmeri i kamap na inapim olgeta hap long graun na mi yet mi bikpela tumbuna bilong ol. Lapun meri em i tingim pinis. Orait, ol 3-pela i go long senta bilong graun

na ol i wokim trep bilong olgeta kain kain abus.

Taim ol i wokim trep, em ol i no wokim nating trep bilong pik em i sais bilong pik yet. Bulmakau, pisin, snek, olgeta abus em ol i kaunim na wokim stret long sais bilong ol.

Nau lapun meri em i tok, sapos trep bilong muruk na pik i kam pas, o trep bilong snek, pisin i kam pas em bai i nogut. Sapos ol enimel i go stret long trep bilong em bai yumi i no inap kamapim manmeri na inapim olgeta hap long graun. Ol i wokim trep pinis na ol i go slip. Long tumora moning ol i kam lukim trep bilong ol na ol i lukim nau trep bilong pik yet i kam pas i stap. Ol kain kain abus i kam pas stret long trep bilong ol. Ol 3-pela meri hia i amamas wantaim na kisim pik karim i go bek long ples bilong ol.

Orait mama i wokim wanpela raun haus na pasim olgeta strong na strongpela banis tru long dispela raun haus. Taim haus i pinis em i putim tupela pikinini wantaim bilum abus i go insait long dispela haus na givim oda long tupela pikinini long kaikai ol dispela abus. Lapun meri i givim oda pinis long tupela na em i pasim dua strong tru long dispela raun haus na mama i lusim tupela i go stap longwe long sampela hap.

Nau tupela susa hia namba wna

susa em i lukautim ol abus bilum na em yet i kaikai ol dispela abus. Taim mama i kam long sekim tupela, bikpela susa i tok mitupela i kaikai yet. Tasol em i giaman, liklik susa i no kaikai. Liklik susa i stap hangre tru. Seken taim mama i kam long sekim tupela namba wan susa i tok, mitupela i pinisim kaikai olgeta abus pinis na stat long kaikai bilum nau.

Lapun meri harim olsem na em i stat long kukim dispela raun haus. Em i wokim paia long 4-pela sait. Taim lapun meri kukim tupela pikinini bilong em long dispela raun haus pinis, em i go stap longwe long arere bilong dispela wara. Em i stap long namel bilong graun. Em i go stap sampela de mo na i kam bek gen na lukim ol rokrok i kamap man pinis.

Em i tumbuna bilong em nau tasol ol dispela ol tumbuna hia ol i stat long pait long ol yet. Long wanem sit bilong liklik susa i no kaikai abus olsem na tupela lain bratasusa yet i stat long pait. Lapun meri i lukim pinis i go bek long ples bilong em na em i stadi gen long em i laik givim nem long ol wan wan lain man, na pasin na bilas. Lapun meri i stadi na tingting pinis. Em i kam gen na lukim lain tumbuna bilong em ol i wokim gi-aman banara, spia na mekim save tru long pait wantaim ol yet. As bilong belhat em lain bilong liklik

susa i no bi kaikai hap abus. Olsem na ol lain pikinini bilong liklik susa i pait wantaim lain bilong bikpela susa.

Lapun meri i lukim pinis em i go bek long ples bilong em na stat long wokim malo, purpur, naip tamiok. Na tingting long ol man bilong nambis bai wokim kanu na ol long bus bai stap nating na waitman bai wokim sip, kar na balus. Lapun meri i tingting pinis na kisim olgeta kago na pasin i kam nau bilong givim na salim ol i go inapim wan wan long olgeta hap long graun.

Taim lapun meri i kam bek, ol tumbuna i no stap, ol i go pinis long arere bilong dispela bikpela wara. Lapun meri em i sanap singaut na ol i bekim singaut bilong em long hap i go tru. Em i go singaut gen long hap, ol i kam singaut gen long dispela sait. Long wanem taim em i wokim paia long 4-pela sait. Olsem na ol lain tumbuna tu ol i makam singaut long 4-pela sait.

Nau arere bilong dispela bikpela wara i gat wanpela bikpela diwai i slip long graun insait bilong em i gat hul. Dispela lain tumbuna bilong lapun meri, ol i go insait na stap nau na lapun meir i painim ol pinis. Lapun meri i kisim tamiok na pastaim katim sais bilong ol asples man. Nau pulim ol aut long dispela hul bilong diwai. Em i givim nem long ol hia man na skelim pasin, na bilas long wan wan lain na sutim ol na postim ol long olgeta hap long graun.

Lapun meri i skelim ol netiv man pinis bi-hain long dispela em i

katim gen dispela olpela diwai na pulim ol waitman aut long dispela hul bilong diwai mak bilong tamiok. Nau lapun meri i skelim pasin bilas bilong ol dispela ol waitman pinis, na kisim dispela hap diwai pipia bilong tamiok na i givim long ol na putim antap long dispela wara na tokim ol: Dispela hap diwai bilong tamiok hia em yupela i kisim i go long solwara.

Taim yupela i laik lukim narapela wanok bilong yupela em bai yupela sindaun antap long dispela diwai na em bai kisim yupela i go long lukim narapela wantok bilong narapela sait bilong solwara. Olsem na ol i go.

Olsem na bikpela wara yet i kisim ol i go sua long nambis na ol i stap. Dispela 3-pela pipel. Em nem bilong tripela tumbuna bilong yumi.

Taim mi liklik manki i stap long ples bilong mi na tumbuna papa bilong mi em i gvim mi dispela stori. Enm bilong em Hapo bilong Wantini Viles, Watut, (Upper Watut).

Tumbuna i tokim mi i tok, taim yu bikpela yu gen i go long ples yu lukim ol manmeri bilong kaikain tok ples bai ol i gat raun bilas long ples bilong ol na ol man bilong nambis bai yu likim ol gat Yempa (mini) sip, bot, na kanu. Na em i tok olsem hap long graun bai pait i stap yet. Na ol brata yet ba pait bai yu lukim.


Em i otkim mi olsem na nau yet yumi lukim long olgeta ha long graun i gat planti raun haus na sip long solwara. Na brata yet i pait long brata na pait i stap yet long olgeta hap long graun.

PAINIM WOD PILAI

Ol wod lista:	DRAIDOK	HUSAT	LONGTAIM	ABAUT	TELIPON
	ERIMA	JAPAN	MASTA	RIGEL	TUMORA
ARERE	GRASOP	KASANG	MISIS	SANPEPA	WANHAUS
BIKBEL	HEVEN	KOLPELA	PAIA	SITIM	YANGPELA
BRAITPELA	HOLIMAN	LETA	RAUN-	STRETIM	

X	A	H	A	Z	H	Y	S	K	W	S	E	E	E	N	H
E	N	T	Y	R	W	K	Y	K	T	N	R	R	V	Y	P
A	O	E	S	S	T	R	E	T	I	M	P	I	R	D	N
N	T	F	H	A	U	N	V	I	E	K	E	M	A	T	B
T	M	S	H	N	M	A	L	W	O	L	I	A	U	X	L
E	H	E	E	P	N	L	H	K	O	D	I	A	R	D	Z
H	I	H	V	E	O	E	Y	N	H	S	B	P	I	O	I
H	X	T	E	P	H	P	G	A	A	A	S	A	O	Y	E
E	Z	U	N	A	O	T	I	W	N	W	A	R	S	N	A
G	I	M	S	S	A	I	N	U	H	G	Z	E	Z	P	P
A	H	O	A	I	N	A	A	H	U	E	P	R	Q	K	M
E	J	R	M	M	M	R	V	F	S	N	L	E	G	I	R
A	G	A	B	I	K	B	E	L	A	L	E	P	L	O	K
A	T	E	L	S	T	L	M	P	T	G	N	A	S	A	K
P	P	O	G	I	E	I	A	A	I	A	P	H	L	E	F
T	H	H	R	S	K	J	S	A	T	L	D	M	T	C	H

Em nau! Ol pikinini i ken painim rot i go long ples wantaim Wantok lain...





TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

JCU i wok wantaim PNG long painim ol strongpela spotman na meri

John Papik

JAMES Cook Yunivesiti (JUC) long Kwinslan, Australia i tingting long wok wantaim PNG Spots Faundesin long painim ol gutpela yangpela manmeri long kamap ol gutpela etlit long ol yia bihain.
Keiran Sciberras wanpela

Honour studen long James Cook Yunivesiti i bin mekim dispela toktok. Na em i tok dispela wok painim bilong ol bai lukluk long olgeta spot, tasol bikpela wok bilong ol em long ol spot i save kamap long Komonwelt Gems.
Ol spot olsem volibal, kriket, soka, etletiks na bai ol i lukluk tu long ol nesanel

spot olsem ragbi lig, Aussie Rules, soka na kriket na ol arapela spot i stap long luksave bilong Spots Faundesin.
Em i tok wanpela eria ol bai lukluk long painim ol talent bilong bihain taim, em ol samting i kirapim tingting bilong ol yangpela long kamap ol spot man na meri.

Pangu Pati lida i tok gavman i bin bagarapim ikonomi

John Papik

KEMPEN wok bilong ol politikal pati i wok long go het strong nau klostu long taim bilong nesanel ileksen i kamap.
Ol pipel bilong kantri bai vot long makim nupela gavaman long 24 Jun i go inap long 8 Julai.
Long dispela taim, lida bilong Pangu Pati na memba bilong Bulolo, Sam Basil i autim kros bilong em i go long Praim Minista Peter O'Neill na olpela tresera Patrick Pruaitch long wei ol i lukautim ikonomi

bilong kantri.
Mista Basil i tok em i taim nau long ol pipel bilong kantri i lukim na save gut long bagarap bilong wok mani bilong kantri na save gut long husat ol pipel i go pas long ol dispela bagarap.
Narapela wari bilong lida bilong Pangu Pati em gavman i no bihain stret lo long kisim bikpela dinau long ol projek long kantri taim palamen i pas pinis na redi long go long ileksen.
Dispela ol dinau Mista Basil i toktok long en em dispela dinau bilong 3 bilien



Sam Basil PNG MP (PNG Parliament Photo)

Kina long stretim Hailans Haiwe na 90 milien Kina bilong ol rot long Alotau long Milen Be Provins.

Presiden Trump na Paris Klaimet Agrimen

Caroline Tiriman

TINGTING bilong Presiden Donald Trump bilong Amerika, long rausim Amerika long Paris Klaimet Agrimen bai kamapim bikpela wari tru long ol Pacific Island kantri na tu long wol.
Dr Tarcisius Tara Kabutaulaka, Asosiet Profesa long Center for Pacific Islands Studies long University of Hawaii i mekim dispela toktok bihain long Presiden Trump i bin rausim Amerika long dispela agrimen las wik.



Dr Tarcisius Tara Kabutaulaka, Asosiet Profesa long Center for Pacific Islands Studies long University of Hawaii.

gaden kaikai bilong ol.
Dr Kabutaulaka i tokim Radio Australia olsem, i luk olsem Mista Trump i laik amamasim tasol ol pipel husat i bin votim em na em i no tingting long ol bikpela bagarap klaimet tenis i save kamapim long wol.

Marasin i sot long Madang haus sik

Caroline Tiriman

DIPATMEN bilong Helt long Madang provins i tok em i wok long mekim olgeta samting long helpim Modilon Jeneral Hospital long go het na givim servis long komyuniti maski ol i sot long marasin.
Provinsal Helt Dairekta Marcus Kachau i mekim dispela toktok bihain long tingting bilong haus sik long katim sampela wok bilong ol bikos ol i sot long marasin.

Madang provins, wankain olsem ol narapela haus sik na ol rural helt klinik long PNG i wok long bungim hevi long lukautim ol sikmanmeri, bikos ol i sot long marasin.

Planti taim ol pipel long PNG i save go long ol haus sik, we ol helt woka i save tokim ol long go long ol kemis long baim marasin, tasol planti ol dispela sikmanmeri i no gat mani long baim marasin.

Vanuatu siti i wari long hevi bilong lo na oda

POT Vila siti long Vanuatu i wok long bungim sampela hevi bilong lo na oda long ol pipel i save dring na spak.
Dispela ol bikhet pasin na planti nois i mekim sampela ol pipel i stap long siti i no amamas na ol i komplek i go long siti kaunsil bilong Pot Vila.
Lod Meya bilong Pot Vila, Ulrich Sumptoh i tok bikos long ol dispela wari, em i askim Vanuatu Polis Fos long helpim ol wok bilong lo

na oda long lukim olsem i gat gutpela sindaun na no gat trabel long Pot Vila.
Em i tok narapela wari bilong Siti Kaunsil em long gutpela nem bilong siti i no ken bagarap long ai bilong ol pipel bilong narapela kantri.
Turis bisnis bilong Vanuatu em i bikpela samting long ikonomi bilong kantri na em i tok wok bilong kaunsil long lukim olsem ol i lukautim dispela bisnis.



poto: Vanuatu Polis Komisina Albert Nalpini (PMO photo)

PNG i stat redi nau long El Nino


Caroline Tiriman

OL lain i husat i save givim helpim long gavman, wantaim na opis bilong Yunaitet Nesens (UN) long Papua Niugini nau i wok long lukluk long ol gutpela rot bilong bringim kwik helpim i go long ol pipel long ol taim nogut olsem El Nino o La Nina.
Ol i mekim dispela long

wanpela woksop o bung em i bin kamap las wik long Pot Mosbi.
Long 2016, PNG i bin bungim wanpela bikpela taim nogut long bikpela san na tu, ol bikpela kol i bin kilim ol gaden kaikai long Hailans rijon na tu ol narapela hap long kantri na mekim planti tausen pipel i bin sot tru long kaikai na wari.

Papua Niugini Nesanel Weda Opis i stap tu long dispela woksop. Jimmy Gomoga, Asisten Dairekta bilong Nesanel Weda Sevis i tokim Radio Australia olsem as tingting bilong dispela bung em bilong wok long bringim kwik ol helpim i go long ol pipel long taim hevi olsem bikpela san i kamap na bagarapim ples.

Maxtone Graham i laik rausim buai tambu long Pot Mosbi



Buai long wanpela setelmen maket long Pot Mosbi.

Caroline Tiriman

HELT minista bipo long gavman, Jamie Maxtone-Graham, i tok em bai rausim ol buai tambu em Gavana bilong Nesanel Kapitel Distrik, Powes Parkop i bin putim.
Jamie Maxtone Graham husat i resis egensim Powes

Parkop i mekim dispela tok tok olsem wanpela polisi bilong em bikos dispela tambu i kamapim ol bikpela hevi tumas long ol pipel long ol setelmen na tu, ol arapela pipel long siti.
Em i tok buai em i wanpela samting we i save helpim tru planti ol tarangu pipel long

taun na tu ol viles ausait long siti husat i save planim buai.
Mista Graham i tok tu olsem taim dispela tambu bilong buai i bin stat, planti tausen pipel long Pot Mosbi i bin kisim taim, bikos ol i save salim buai na kisim mani long lukautim sindaun bilong ol.

Polis i hariap tru long kamap na stopim birua long London Bris

OL teroris husat i bin kilim ol pipel long London Bris long las wik Sarere nait, inap long kilim moa pipel sapos ol polis i no bin kamap hariap na stopim dispelaa birua.

Gavman bilong Briten i bin putim moa polis kar wantaim ol gan long London bihain long ol teroris i bin kilim ol pipel long Paris, Frans long 2015.

Long Sarere nait, tripela man i bin draivim wanpela trak i go bamim nabaut ol pipel i wok-abaut long London Bris. Ol i lusim dispelaa trak na ran i go insait long wanpela bisu ples ol i kolim Borough Maket na katim nek na bodi bilong ol manmeri husat i sindaun kaikai i stap. Sevenpela pipel i dai na planti moa i kisim

bikpela bagarap tru long dispelaa tupela birua.

Ol lain husat i bin lukim dispelaa wok bilong ol polis i tok ol i bin mekim nambawan wok bikos ol i bin kamap hariap tru na kilim ol dispelaa teroris husat i kilim nabaut ol pipel. Gavman i bin putim moa polis long wok bihain long ol teroris i bin kamapim ol birua long London long tupela mun i go pinis.

Ol polisman husat i kilim dai ol dispelaa teroris i bin stap long polis amo rispons kar (ARV). Ol dispelaa kar i save patrol raun long ol bikpela siti na arapela eria long Briten. Ol ARV i save karim tripela opisa wantaim ol gan na long taim wanpela birua i kamap,

ol bai namba wan lain long kamap long stopim. Gavman i bin putim moa ARV long Briten bihain long ol teroris i kamapim bikpela birua long Paris, Frans long 2015.

Ol polis i bin kamap na kilim dai ol dispelaa tripela teroris na kontrolim ples gen long 8 minit tasol. Ol dispelaa teroris i bin pasim giaman bom siot long bodi bilong ol olsem na ol polis i bin sutim ol inap olgeta tripela i bin dai.

Bihain long dispelaa birua, ol polis i bin arestim 12-pela pipel long Is London na sampela moa long Mande. Tasol ol i bin larim ol i go fri gen long Tunde.

Ripot i tok ol dispelaa tripela teroris em Khuram Shazad Butt,



Ol polis i putim was i stap long London Bris long Sarere nait. Poto: Dominik Lipinski/PA

husat i gat 27 krismas na i wanpela sitisen bilong Briten. Mama i bin karim em long kantri Pakistan. Narapela man em Rachid Elkhadar husat i gat 30 krismas.

Em i bilong Moroko na Lybia na i save stap long Is London.

Ol polis i wok long painim aut moa long namba tri teroris ya olsem na ol i no tokaut yet long nem bilong em.

Pasin nogut i save kamapim ol teroris - i no relijon

BIHAIN long ol teroris i bin kilim ol pipel long London long las wik Sarere, Praitim Minista Theresa May i tok i mas gat sampela senis i kamap long wei bilong pait egensim ol teroris.

Em i toktok long ol kain pasin olsem ol lain Muslim i stap ol yet long wanpela komyuniti na pasin we gavman i lukluk tasol long ol grup husat i yusim nem bilong Islam long bagarapim ol narapela lain.

Tasol em i no tok klia yet long wanem kain ol senis bai kamap, tasol bai i gat kontrol long internet na bai ol i givim longpela taim long kalabus sapos ol lain i kamapim teroris kraim. Ol toktok bilong Praitim Minista i soim

olsem gavman bai strong nau long pinisim dispela birua pasin ol teroris i save kamapim.

I gat tupela kain tingting bilong ol pipel long pinisim pasin bilong ol teroris. Wanpela grup i ting sapos yumi senisim pasin na wei bilong ol bilip bilong Islam, bai yumi stopim pasin bilong ol teroris. Tasol sampela lain i ting sapos yumi mekim olsem bai yumi saspek nating long ol gutpela Muslim husat i save bilas long pasin bilong ol, groim mausgras, pre olgeta de, hapim kaikai long taim bilong Ramadan, karamapim het na pes bilong ol na bihainim stret lotu bilong ol. Ol pipel bai ting olsem dispela kain pasin

i bilong ol "redikal Islam" na i save strongim pasin bilong vailens na bagarapim ol arapela manmeri.

Mi bin lukim dispela kain pasin i kamap namel long ol Salafi komyuniti long Frans we wanpela biknem politisen i sinagut long "egensim kalsa bilong ol Salafi". Ol lain Salafi em wanpela liklik grup bilong ol Muslim long wol. Ol i no stap long politiks o mekim pasin bilong politikal vailens. Tasol planti kantri i givim nem "redikal Muslim" long ol bikos ol i strong long bihainim stret bilip bilong ol, nau tu sampela lain teroris long Yurop i bin hait insait long komyuniti bilong ol.

Long taim mi wokim risets olsem sosiolojis bilong reli-

jon mi bin spendim sampela taim long wanpela Salafi komyuniti long saut-is Frans. Long dispela eria ol pipel i stap ol yet, na bikpela lain yangpela man i no gat wok. Ol i bihainim bilip bilong ol na ol Salafi na na meri i save stap ol yet. Tasol ol arapela lain i no save mekim gutpela pasin long ol. Ol pablik i save tok bilas na mekim pasin nogut. Planti i no inap painim wok bikos long Muslim nem bilong ol na pasin bilong ol long bilas.

Ristets wok long ol lain Muslim long Briten i soim olsem ol tu i bingim wankain hevi olsem ol lain Salafi long Frans.

Planti yia nau mi wok long lukim ol Salafi meri i wok long kisim taim stret bihain

long gavman i putim lo i tambu long karamapim het na pes, na putim was long ol Muslim. Sampela yangpela meri i lusim skul bihain long Frans i putim lo long 2004 i tambu long ol meri i karamapim het bilong ol long ol pablik skul.

Sampela mi save i pret long raun bikos ol pablik i save mekim pasin nogut long ol na ol i ting bai i no gat gutpela sindaun bilong ol long Frans long bihain taim. Ol pasin nogut ol pablik i mekim i strongim bilip bilong ol long lotu bilong ol Islam. Sampela Salafi man i tok bilip bilong ol long God i stopim ol long kisim drag o brukim lo na go kalabus.

Mounir, em i wanpela

yangpela man husat i wok long klinim ol pablik haus. Em i sori long planti pren bilong em husat i stap nau long kalabus. Em i tok bihain long ol i lusim kalabus, ol i lukim seken sans na i laik kam bek long God.

Ol risetsa i tok planti planti ol lain husat i kamap teroris long Yurop na US i gat nem pinis long brukim lo. Ol i no trupela bilipman bilong Islam. Tasol em i tru tu olsem sampela karismatik Muslim lida na ol sosel netwok i wok long kirapim bel bilong ol lain long kilim ol pipel long Yurop.

Muslim Kaunsil bilong Briten i wanbel long hap tok bilong Praitim Minista Theresa May, "inap nau long dispela pasin nogut bilong ol teroris".

Donald Trump i sapatim tambu long Qatar

PRESIDEN Donald Trump i amamas long ol kantri long Midel Is i putim ikonimik na diplomatik bloked o tambu long Qatar. Dispela tambu bai kamapim wanpela kraisis gen long ol kantri long Galp bihain long 30 yia. Ol i putim dispela tambu bikos ol i tok i gat evidens i soim olsem Qatar i wok long givim mani bilong helpim ol teroris grup.

Toktok bilong Donald Trump long Tunde i mekim Qatar i kirap nogut bikos ol i pren bilong Amerika

we i gat 10,000 US soldia i stap. Tasol Saudi Arabia i amamas long dispela bikos oltaim Amerika i save sutim tok long em i sapatim ol teroris.

Trump i bin tok, "Long taim mi bin raun i go long Midel Is, mi bin tok olsem bai i no gat moa pasin bilong givim mani long sapatim dispela Redikal Aidioloji. Na ol lida i poinim han long Qatar – lukim!" Em i tok, "I gutpela long lukim Saudi Arabia na King bilong ol na ol dispela 50 kantri na dispela lukluk raun i karim kaikai nau. Ol i tok bai ol i strong long stopim ol teroris na olgeta nau i sutim tok long Qatar. Ating dispela bai i statim rot bilong stopim ol dispela birua pasin bilong ol teroris!"

Dispela i namba wan taim Trump i toktok long dispela tambu tasol ol arapela lain i tok em i no gutpela long mekim kain pasin olsem

long Qatar. Ol arapela edvaise i laik bihainim pasin bilong toktok na painim namel rot bilong stretim dispela hevi wantaim Qatar.

US Seketeri bilong Stet, Rex Tillerson na Difens Seketeri James Mattis i tokim Trump long stap isi.

Long Mande, Saudi Arabia, UAE, Bahrain na Ijip i tokaut olsem bai ol i stopim ran bilong balus, ol sip long solwara na ol transpot bilong graun wantaim Qatar. Ol i stopim diplomatik wok tu bikos ol i tok Qatar i wok long sapatim ol teroris, na i wok wantaim Iran na i save haitim ol lida bilong Hamas na Muslim Brotherhood, tupela teroris grup.

Qatar em i ples we ol US



Donald Trump, raithan, i bungim Emir Sheik Tamim bin Hamad Al Thani bilong Qatar long Riyadh, Saudi Arabia, long 21 Me. Poto: Jonathan Ernst/Reuters

militari rijonal Al Udeid ea besi save stap na we Qatar i spendim moa long \$1bn long wokim. Ol i save stap

na go pait egensim ol Isis long Syria na Iraq, Qatar i tok em i pren bilong US, tasol em i save mekim inde-

penden foren polisi bilong em yet na i save hatim bel bilong ol kantri olsem Saudi Arabia na UAE.

Ganman holim pas ExxonMobil opisa



Bikpela balus i karim kago bilong ExxonMobil na pundaun long Komo ples balus, Hela. Poto: ExxonMobil

Paul Zuvani i raitim

WANPELA saintis bilong ExxonMobil husat i wok long Komo, Hela em ol ganman i holim pasim long tupela aua long las wik Fraide tasol nau i stap fri.

Ol ganman o ol man long wanpela traib i holim pasim dispela meri long askim polis long ol i mas mekim fri wanpela man bilong ol em polis i bin holim na putim haus rum gat.

Polis Komanda long Hela provins Michael Welly i tok wanpela man bilong ol husat i karim raun wanpela hom-med gan em polis i

holim pasim dispela taim. Em i tok long seifti bilong meri, ol polis i harim tok bilong dispela ol man na mekim fri dispela man ol i bin holim pasim.

“Dispela ol man i go insait long kemp bilong kampani, kisim dispela meri, holim pasim em na askim polis long ol i mas mekim fri wanpela man bilong ol,” Suptenden Welly i tok.

“Dispela man i bin gat hom-med gan wantaim em taim polis i holim pasim em. “Ol man husat i kam na holim pasim meri em mipela i save na bai go kisim ol, arestim na sasim ol.”

Welly i tok dispela pasin ol man i mekim i no gat hevi wantaim wok bilong ExxonMobil o 2017 lleksen. Nogat. Tasol Wantok Niuspepa i salim wanpela email i go long mausmeri bilong ExxonMobil na i kisim bekim olsem nau yet polis i mekim wok painim long dispela asua na ol i no inap long tok-tok planti long dispela hevi. Tasol em i tok nau yet kampani i wok hat long kamapim gutpela poroman pasin wantaim ol papagraun na lokal komyuniti. “ExxonMobil i tingting planti long dispela hevi i kamap long memba bilong em long

Komo ples balus long las Fraide. Mipela i amamas long wok we i kamap long lukim ol i hariap long mekim fri opisa bilong mipela. “Mipela i kisim dispela taim long tok tenkyu long polis long stretim dispela hevi na mekim opisa bilong mipela i fri. “Dispela hevi i no pas long wok mipela i mekim. “Sapos i gat sampela ol hevi o bel kros mipela i wok hat long stretim ol. “Mipela go het yet long kamapim gutpela poroman pasin wantaim ol papagraun na lokal komyuniti,” em i tok.

Hailans Pasifik lukluk long ol liklik projek

HAILANS Pasifik, kampani we i wok poroman wantaim kampani bilong Saina i wok long Ramu Nikel Main long Madang na Frieda gol/kopa projek long Wes Sepik provins i tok em i laik lukluk gut long ol projek we em bai wok long ol.

Kampani menesing dairekta Craig Lennon i tok kampani bai senisim lukluk bilong em long wok ol bikpela projek na bai lukluk long ol liklik projek wantaim. Em i mekim dispela tok long taim prais bilong planti

ol komoditi olsem gol na kopa i kamdaun na givim hevi long ol kampani long ol maining projek.

Em it ok ol i laik wok long projek we ol i ken mekim liklik wok tasol i ken kisim yet gutpela win mani.

Lennon i kamap menesing dairekta long klostu pinis bilong 2016 na Ron Douglas i kamap Siaman bilong kampani long stat bilong dispela yia.

“Long bipo, mipela i save pinis wantaim liklik winmani long ol bikpela projek na

olsem mipela i laik senis na lukluk long ol liklik projek, em i tok.

Em i tok bikos i gat senis long prais bilong ol komoditi ol investa nau i wok long lukluk long ol projek we ol i mekim liklik wok tasol inap long kisim gutpela winmani.

“Long ol tai mi go pinis, ol investa i no wari tumas long hamas win mani ol i kisim long ol bikpela projek.

“Ol taim i senis na ol investa i lukluk long ol projek we i ken pinis long sotpela taim.”

Lennon i tok risos sekta bilong kantri i senis bikpela na i strong tasol i gat ol salens i stap yet.

Em i tok sampela ol investa i tingting planti yet long wok insait long kantri na olsem ol husat i stap pinis long kantri i grisim ol na tok PNG i gutpela hap bilong mekim wok bisnis.

“Em i no isi samting long grisim ol investa tasol mipela i traim hat na i tru Papua Niugini i gutpela hap bilong wok maining,” em i mekim dispela bikos long ol

nius nogut bilong lo na oda long kantri.

“Bikos long ol nius nogut bipo sampela ol investa i holim yet ol tingting nogut na dispela mipela wok hat long stretim.

“Long helpim mipela i no save toktok tumas long Gavman na lo na oda tasol i tok-tok moa long hamas gutpela samting i stap long kantri.” Long kampani yet, Hailans Pasifik i gat 20 pesen long Frieda Riva projek na 8.5 pesen long Ramu Nikel.

Lennon i tok Anglo American Star Maunten projek

klostu long Ok Tedi i hat tumas long toktok bikos em bai wanpela bikpela projek tu.



Craig Lennon, Pasifik Hailans menesing dairekta.

Lenona kampani winim laik bilong kaikai kampani

MAUNT Fubilan Egro-Indastris, wanpela kakaruk projek bilong ol lenona ples bilong Ok Tedi main, Westen provins i pulim laik bilong wanpela kaikai kampani pinis.

Dispela kampani em Fubilan Katering Sevis na i wanpela papa graun kampani tu na i save kukim kaikai bilong ol wok manmeri bilong Ok Tedi.

Dispela kampani i laik baim 6000 kiau long Maunt Fubilan Egro-Indastris long wan wan de.

Maunt Fubilan Egro-Indastris siaman na eksekutiv dairekta, Illan Weiss, tok kampani i redi long wok bung wantaim olgeta arapela kampani husat i laik kisim sevis long em.

Em i mekim dispela tok long taim ol i opim dispela projek long Tabubil las wik.

Ok Tedi Developmen

Faundesen Asosiet Dairekta husat i makim Not Flai na main ples, Maino Lucas, askim ol manmeri long ol i mas kisim dispela sans long wok strong long dispela projek.

“Mipela ol main ples long las 30 krismas i kisim ol gutpela samting long main tasol i no gat wanpela samting i stap long soim dispela ol gutpela samting mipela i kisim,” em i tok.

“Dispela em sans long mipela i mas mekim samting we i ken helpim mipela olgeta taim maski wok maining i pinis.

“Mipela yet i mas kamapim ol senis na i no wet long narapela i senisim mipela.”

Em i tok edukesen i bikpela samting na rot bilong strongim edukesen em long ol manmeri i mas go insait long wok bilong

didiman o egro-indastri projek.

Ol sikispela ples husat i stap insait long dispela projek em Atemkit, Finalbin, Bultem, Kavorabip, Migal-simbip na Wangbin.

Projek bai saplaim samting olsem 3.6 milien kiau na 26,000 broila kakaruk long wan wan yia aninit long projek Ok Tedi Developmen Faundesen(OTDF) i kamapim.

Mausmeri bilong ol meri long ol dispela ples, Alice Mumuyong, i tok em i gutpela ol meri i wok bung long dispela projek.

“Ol meri na pikinini long komyuniti i amamas long dispela projek olsem bai lukim gutpela kaikai bilong em,” em i tok.

“Mipela i mas wok strong long dispela projek long wanem em bai helpim mipela na ol pikinini bilong mipela.”

CPL redi long go long ol provins

BIKPELA supamaket kampani long Mosbi, City Pharmacy Limited (CPL) i redi long kamapim ol stua bilong em ausait long Mosbi, Siaman bilong CPL Mahesh Patel i tok.


Tasol bikos long hevi bilong ikononi, Patel i tok em bai wet inap long ikononi i kamap strong gen.

Em i tok CPL i wok long wet yet tu long taim olgeta toktok long ol arapela provins i redi em bai kamapim ol stua long dispela ol hap.

“Mipela i pusim envelop bilong mipela wantaim nupela ol prodak i no long taim i go pinis, tasol long ol las yia i go, ikononi i bin hat liklik,” Patel i tok.

Em i tok taim LNG projek i wok kampani i kamap gut tasol bihain long wok konstraksen, dispela i lukim kampani i no mekim gut tumas.

Tasol em i tok plen bilong kampani em bilong surukim ol stua bilong



Bikpela Stop N Shop long Waigani.

em i go long ol arapela senta.

“Mi gat olsem 100 tingting long samting mi laik long mekim na mipela i mas wet long rait taim long kamap.”

Em i tok nau yet kampani inap long givim sevis long 25 i go long 30 pesen ol kastoma tasol i laik surukim dispela namba i go antap long 50 na 100 pesen.

“Plant ol arapela ples i stap long ol longwe ples na dispela i mekim hat tu long kampani i go aut long dispela ol ples.

“Mipela i bin go long ol arapela liklik taun olsem Maprik (Is Sepik) na Biala

(Wes Nu Britan) na mipela i wok hat yet long painim ol gutpela hap bilong wok bisnis.

Ol bisnis han bilong CPL em City Pharmacy, Stop N Shop supamaket, Prouds Duty Free, Bon Cafe, Paradise Muvi ples, Jacks ov PNG klos na Hardware Haus.

Patel it ok plen em long givim stua bilong marasin, kaikai, hadwe, klos na ol arapela we ol stua i s tap long em.

Tasol wantaim hevi bilong ikononi, graun, ples na hap we ol inap kamapim ol stua i kamapim ol salens long kampani i mekim wok isi.

CPL i makim 30 yia krismas bilong em long dispela yia.

Patel i tok namel long dispela ol yia, sampela taim em i no bin isi long kamapim wok.

“Bikpela samting em mipela inap long bungim ol dispela salens na stap.”

Long Mas, Patel i tokaut long pinis bilong em long wok olsem siaman bilong kampani na makim Joe Barberis long kisim ples bilong em Ravi Singh long kamap Sif Eksekutiv opisa na Jeneral Menesa bilong Mesandais (Merchandise) Grup.

BSP daunim winmani bilong dinau bilong haus

BENK Saut Pasifik (BSP) i daunim winmani bilong dinau long wokim haus long mak bilong wan (1) pesen.

Pastaim winmani o intres i bin stap 8.45 pesen tasol nau i go daun long 7.5 pesen na dispela i bin stat long las wik Fonde.

BSP i save givim tupela bikpela Hom Lon (dinou) Onasip Prodak, em BSP Standet Hom Lon na Fes Onasip Skim (FHOS) dinou. Mak bilong winmani long FHOS bai stap yet long 4 pesen long wanpela yia. "Mipela i skelim gut tingting

long kain laik i stap long baim haus long dispela taim bipo long mipela i daunim mak bilong sasim winmani bilong dinau mani bilong kisim hom lon," Robin Fleming, BSP Grup Sif Eksekutiv Opisa i tok.

"Laik bilong ol manmeri long kisim dinau mani long baim haus i bikpela yet, wantaim laik bilong kisim toksave long rot bilong kisim kain dinou mani wantaim benk.

"BSP i go het yet long mekim ol samting long helpim sindaun bilong ol manmeri long kantri.

"Mipela i bilip olsem wantaim

mak bilong winmani nau mipela i daunim long givim dinau mani, mipela i bilip planti manmeri bai kisim helpim long dispela.

"Long taim i gat laik long wanpela i kisim dinau long baim haus, mipela i askim ol manmeri long ol i mas plen pastaim, setim gol na stat sevap long baim haus."

Fleming i tok long kisim BSP Hom Lon yu long em yet, i mas gat 20 pesen mani long olgeta (total) kost bilong haus pastaim bipo long benk i ken givim narapela 80 pesen long helpim long baim haus.

Na long kisim FHOS dinau mani yu i mas gat 10 pesen bilong total kost bilong haus pastaim bipo long benk i ken givim dinau mani.

Ol kastoma husat i no inap long kisim FHOS i ken kisim yet ol dinau we winmani bilong ol i stap daunbilo.

Ol i ken kisim dinau mani we ol i ken kisim 40 krismas long bekim dinou.

Fleming i tok moa olsem BSP bai go het yet long kamapim ol polisi we bai i isi long olgeta kastoma

inap kisim helpim long benk.

Dispela i lukim em i opim ol fi fri akaun, Sevings bilong ol pikinini (Kids Sevings) na Sumatin Akaun.

Em i kamapim ol sevings kalsa long rausim ol fi long Plas Seva Akaun, we benk i save sasim winmani long lukautim akaun bilong ol kastoma.

Long kisim moa toksave kastoma i ken lukluk long BSP Hom Lon o Fes Hom Onasip Skim Long Prodak o long email: crelations@bsp.com.pg

Digicel meri grup skul long wok bilong invesmen



Westpac mauseri Senna Beraro (senta) wantaim Digicel Emma Manus (lephan) na Kauro Einoko long bung bilong ol long Gordons, Mosbi. Foto: Digicel

OL wokmeri bilong mabail telipon kampani, Digicel i go insait long mekim invesmen na kisim helpim long wanpela benk long mekim wok.

Long las wik ol meri long grup, WILL (Women in Lidasip Lig) i hariap long pulumapim wanpela pepa taim ol opisa bilong Westpac Benk i givim long ol long sevap na lukluk long ol rot na kisim isi helpim long mekim wok.

Samting olsem 150 meri i pulumapim pepa long kisim kain helpim.

WILL i gat moa long 100 memba long Mosbi na 30 memba long ol arapela senta olsem Alotau, Lae, Madang, Kimbe, Kokopo, Manus na Hagen.

Long wan wan mun Digicel WILL komiti i save holim ol bung bihainim wantpela het tok na long Me las mun, het tok bilong dispela taim em, "Invesmen bilong mi, Mani bilong mi, Bisnis bilong mi," long promotim investing na long strongim ol wokmeri long ol i mas tingting gut long rot bilong yusim mani.

Sevenpela poroman kampani husat i sapatim Digicel long dispela program em

BSP, Kina Grup, Invesmen Promosen Atoriti, Nesenel Developmen Benk, Wimen Maikro Benk, MiBenk na Westpac

Presiden bilong WILL, Gou Kere i tok WILL i wanpela samting we i strongim ol meri long Digicel na i kisim ol i go long narapela level long wok bilong ol.

"I no long dispela tasol, mipela i mekim wok long strongim ol long mekim wanem ol samting ol i laik long mekim.

"Long Me, lukluk bilong mipela i stap bilong bringim aweanes long mekim ol invesmen prodak, bisnis na kampani prosida na mani menesmen infomesen long olgeta opisa.

"WILL i amamas long tokaut long ekasesais bilong tude, we dispela i helpim olsem 50 wok meri long opim akaun bilong ol wantaim Westpac na mipela i lukluk long skruim yet dispela poroman wok wantaim benk," Kere i tok.

MiBenk i mekim wanpela ekasesais long het opis bilong em long Gordons na Hitron.

Kere i tok long ol mun i kam, WILL bai kamapim moa empawaring program wantaim ol wok meri bilong Digicel.

Townsville laik strongim wok bisnis wantaim Mosbi

TOWNSVILLE, Not Kwinslan na Not Australia siti, laik strongim wok bisnis wantaim Pot Mosbi, Michael McMillan, Townsville Entaprais polisi dairekta i tok.

Em i mekim dispela tok long las wik long taim em i bekim askim long wanem samting ol bisnis long Townsville bai mekim long taim Air Niugini i save gat raun bilong balus namel long Mosbi na Townsville long wan wan wik.

McMillan i tok ol bisnis lain long tupela siti i lukluk long strongim ol wok bisnis long ol sekta we tupela wantaim i gat strong long em.

Em i tok dispela ol wok bisnis i stap long ol sekta olsem ol masin bilong wok maining, teknoloji na sevises, wel na ges, helt sekta, edukesen na trening, infrastraksa na eid sekta.

"Mipela i lukluk long promotim tur-

isim tu. Papua Niugini i wanpela kantri we planti hap i no develop yet na i stap wanpela olsem bipo," McMillan i tok.

"Mipela i lukim Mosbi i wanpela hap we moa bisnis lain bai kam long em.

"I gat ol hap bilong turisim long ol manmeri i ken go raun na lukim o solwara long swim na glas (daiv) long em. Wantaim dispela i gat Kokoda Trek we ol manmeri i ken wokabaut na tingim ol ami i wokabaut na pait long em.

"Ol bisnis long PNG i lukluk long invest insait kantri na strongim ikonomi.

"Long olgeta nupela maket, i save gat ol sans long wanpela i mas statim wok pastaim.

"Mipela i lukluk long bisnis registresen, takis na wok bilong lo.

"Dispela em bisnis registresen, takis na ol tok bilong lo. Dispela em ol bikpela toktok we i mas stap bipo long wok bisnis i kamap."

McMillan i tok bikos Mosbi i stap

Meri singaut long kisim gutpela wok bisnis sapot

EDITA bilong Stella megasin, Amanda Donigi, i tok Papua Niugini i stap long mak we em inap long lusim ol yangpela bisnis manmeri bilong em sampela no gat seni long sampela lo bilong mekim bisnis.

Toktok bilong em i kamap bihain long ol toktok em faunda bilong Haus ov Xen, Xenia Peni i mekim.

Donigi i husat i mama bilong Stella megasin stat long 2012 i kam, i mekim dispela tok long bung bilong enuel Australia-PNG Bisnis Kaunsil i no long taim i go pinis long Mosbi.

Em i tok em bai bikpela sori sapos PNG i lusim dispela ol yangpela bisnis manmeri bikos long hevi bilong ranim bisnis.

"Dispela jeneresin bilong Papua Niugini i gat bikpela laik long mekim wok," Donigi i tok.

"Em bai bikpela lus long developmen na gro bilong mipela long pasim ol long no ken mekim wok bisnis.

"Mipela i gat strong na pawa long senisim sampela ol lo tasol mipela i no mekim."

Em i tok em i wari long lukim 2016 mak Wol Benk i givim long PNG long stap long 119 mak long sait bilong mekim bisnis.

Em i tok em i laik long lukim PNG i mas stap long mak bilong 20 long antap moa long dispela.

Donigi i tok as tingting bilong em i kamapim megesin em bilong kamapim ol stori bilong ol meri i wok bisnis long Papua Niugini na ol Pasifik Ailan kantri.

Dispela magasin bilong em i stap long kantri na i go aut tu long ol arapela kantri olsem Australia, Nu Silan, Pasifik, Singapore, Malaysia, Abu Dhabi na Dubai.

Megesin i stap long ol ealain na ol hotel long wol aninit long Midia Kerias, we inapim lonsing bilong dijital app long las yia, long taim ol i lonsim megesin tu long Australia.

"Ol PNG rida bilong mipela em ol save lain, ol i wok, na ol i gat mani bilong yusim na kamapim ol samting," Donigi i tok.

"Ol rida bilong mipela i tingting long sosaiti bilong ol na i wok long skelim wanem samting i wok long kamap. Ol rida bilong mipela i no laik stap o

klostu, em i isi long ol bisnis haus long tupela siti i go na mekim wok.

Em i tok ol i lukluk long ol hevi we inap kamap na i skelim ol rot bilong daunim na i tok dispela ol wok ol tingim tu.

Em i tok bihainim dispela lukluk, planti ol bisnis lain i kamap wantaim ol tingting long ol rot we ol bai bihainim long mekim wok.

Em i tok wantaim dispela em i tok bikos 2017 Ilekse bai kamap ol bai we liklik long mekim wok.

"Mipela bai wetim ileksen i pinis na mipela laik save wanem gavman bai kamap," McMillan i tok.

"Mipela i lukluk long sait bilong politik na wanem samting em i min long mipela i ken wok bisnis.

"Mipela mas tingting gut bipo long mipela i ken mekim wok long taim bilong ileksen."



Amanda Donigi, faunda bilong Stella magasin.

kamap olsem seken-klas sitisen. Bilong wanem ol i mas stap olsem?

"Ol i laikim gutpela heltkea sistem, ol i laik vot long dispela ileksen, ol i laik putim klos long wanem wei ol i laik long em na no gat pasin nogut i mas kamap long ol."

Xenia Peni i sapatim toktok bilong Donigi na i tok olsem kost bilong kamapim bisnis tu long kantri i dia tumas wantaim kost bilong rentim opis na ol arapela bikpela samting olsem yusim intanet.

Basamauk maket long helpim ol rurel mama

JAMES G. KILA i raitim
OL MAMA na lokal fama long ples arere long Basamuk i save amamas long go maket klostu tasol na kisim liklik mani long helpim sindaun bilong ol long ples.

Dispela maket i stap arere long rot klostu long Basamuk taunsip, em ples we ol wokmanmeri bilong

Ramu NiCo (MCC) i save stap long en.

Dispela maket i save helpim gut ol lokal mama na ol meri bilong ples husat save go salim ol fres kaikai olsem kulau, ol kumu, buai em ol China wokman i save laikim.

Planti ol lokal mama husat i save go maket long hap em ol lain bilong ples Mindre,

Dein, Lamtub na ol arapela hauslain arere long Yaganon wara.

Dispela maket i helpim ol mama gut stret bikos ol bai no inap hatwok long kisim moto-bot na go long taun na salim. Ol kastoma bilong ol i stap klostu na ol isi tasol i kisim liklik mani long baim ol sop na ol arapela samting long sapotim sindaun bilong ol wantaim famili long ples.



Ol Ramu NiCo wokman bilong China na PNG save pulim lain long baim 'Marmar' maket arere long Basamuk taunsip long Raikos distrik, Madang provins. Poto: James G. Kila

Mumut kamap planti long drai sisen

JAMES G. KILA i raitim
OL Tumbuna long bipo i save bihainim pasin bilong bus, graun na wara long tokaut o telimautim wanem ol sisen bai kam.

Insait long PNG, planti ples i gat kain kain pasin o wei long soim olsem ren bai kam o drai sisen bai kamap na kain kain ol arapela samting tu i stap.

Long sampela hap bilong

Madang provins, taim ol i lukim olsem mumut i kamap planti na ran painim kaikai long bus na gras nambaut em ol pipel i save tok olsem em taim bilong drai sisen o longpela taim bilong san i kam klostu. Dispela em bikos long taim bilong drai sisen em taim bilong mumut i raun painim kaikai o wokim haus long kol ples na tu muv planti.

Olsem na ol pipel bilong

maunten bilong Begesin na ol viles arere long Madang-Ramu haiwe nau i wok long salim mumut long ol lain i ran i go kam long PMV na trak namel long Madang taun na Lae siti.

Wanpela egrikalsa trena bilong Igruwe viles, Samuel Masawa i tok olsem mumut i save kamap planti long taim bilong san bikos

PNG mas planim rais bilong em yet

Paulus Tali i raitim
 "PNG i mas planim rais bilong em yet," NARI Nesanel Egrikalsa Risets Institut (NARI) long Lae, Dokta Sergie Bang i tok las wik. Dokta Sergie i bin toktok

long open de bilong NARI na Trukai Rais industri de we tupela ogenaisesen i wanbel long wok poroman long helpim ol pipel long Papua Niugini long planim rais.

Dokta Serkie i tok olsem dispela kain wok bung bai

mekim ol pipel i luksave long prodaksen bilong rais na planim moa long PNG yet.

Moa long 250,000 tan rais i bin go pinis long maket na Trukai Industri i bin kamapim K300 milien i bin kamap long 2013.

I no gat gutpela kontrol long ples bilong rausim pipia

LAE siti i gat wanpela bikpela hevi bilong ples bilong rausim gut ol pipia. Ol kampani na manmeri tu i wok long tromoi pipia long ples we i no gat kontrol long en.

Wanpela bilong ol dispela ples em Powkap, wanpela praivet ples i save kisim ol pipia bilong Lae siti. Dispela ples pipia i stap wan kilomita longwe long bikpela ples bilong tromoi pipia long Seken Sevent.

Wanpela studen bilong Yunivesiti bilong Teknologi, Samuel Magiri i bin putim dispela stori long wanem samting em i bin lukim long taim em i raun i go long tupela ples bilong rausim pipia long 24 Me. Em i bin go long

dispela hap bikos long kos bilong em long glasim olsem wanem ol pipel na kampani i save rausim ol pipia.

Em i tok dispela hap long Powkap i ples nogut tru. Ol i lukim wanpela trak i wok long rausim ol wara nogut klostu long rot na em i askim draiva ol dispela pipia i kam we. Na draiva i tok em ol pipia bilong kampani ol i kam kapsaitim. Bihain long dispela sampela moa trak i kam kapsaitim ol pipia bilong ol.

Ples i pulap long smok bilong paia we ol i kukim ol pipia.

Powkap em i praivet ples bilong tromoi pipia na ol papagraun husat i givim tok orait i save kisim mani long

wan wan mun. Ples we Lae siti i save tromoi pipia em long Seken Sevent. Magiri i tok long taim ol i kamap long hap, ol pipel i wok long ran bihainim ol trak long painim hap kaikai o ol samting ol ken risaikel. Ol i bin painim tu bodi bilong wanpela pupela bebi insait long wanpela boks.

Lae siti em i wanpela bikpela siti bilong PNG we i gat ol bisnis na faktori na ol bikpela wok i kamap. Em i gat bikpela populesen tru. Ol dispela bikpela bisnis na wok i kamapim mani bilong kantri, tasol i no gat gutpela rot bilong rausim ol pipia ol dispela wokmani i save kamapim olgeta de.

Nature Park i kamapim gutpela Envairomen De Ekspo

PORT Moresby Nature Park wantaim ol kopret ogenaisesen i bin kamapim wanpela gutpela Wol Envairomen De Ekspo long Sarere 3 Jun.

Het tok bilong dispela de em, "Connecting People to Nature", na ol i bin promotim ol tingting bilong Go Green na kirapim tingting long, Rethink, Reuse na Recycle na kamapim aweanes long pasin bilong lukautim envairomen.

Dispela bung long Port Moresby Nature Park i save kamap long olgeta yia na bringim ol ogenaisesen na ol skul pikinini i kam long promotim ol enimal na diwai samting bilong PNG.

BSP i bin sapotim dispela program long 2013 i kam inap nau. Dispela selebresen bilong Wol Envairomen De long Port Moresby Nature Park, em i wanpela enuel iven bilong Bank long Go

Green kalenda, na tu em i save selebretim Earth Hour, Earth De na Clean up the World Campaign. Narapela iven long kalenda em Annual Go Green School Clean-up de bai kamap long mun Oktoba.

BSP Bren Embesada, Ryan Pini MBE i bin stap tu na em i amamas long tok welkam long ol lain husat i bin kam selebretim dispela de



Bren embasada, Ryan Pini MBE i sanap wantaim ol pikinini husat i selebretim Wol Envairomen de long Port Moresby



Stephanie Aisi i toktok wantaim ol studen.

2017 NRL Dro bilong raun namba 14

Det	Hom	Awe	Pilai Graun	TV	Taim
Fonde, Jun 8			Southern Cross Group Stediam	Nine, Fox	7:50 pm
Fraide, Jun 9			Brookvale Oval	Fox	6:00 pm
Fraide, Jun 9			Suncorp Stediam	Nine, Fox	7:50 pm
Sarere, Jun 10			CBus Super Stediam	Fox	3:00 pm
Sarere, Jun 10			Carrington Park	Fox	5:30 pm
Sarere, Jun 10			TIO Stadium	Fox	7:30 pm
Sande, Jun 11			Campbelltown Stadium	Nine, Fox	4:00 pm
Mande, Jun 12			ANZ Stediam	Fox	4:00 pm

2017 NRL Risal bilong raun namba 13

Det	Hom	Awe	Pilai Graun	TV	Taim
Fraide, Jun 2	40 (win)	12 (lus)	AAMI Pak	Fox	6:00 pm
Fraide, Jun 2	32 (win)	24 (lus)	ANZ Stediam	Nine, Fox	7:50 pm
Sarere, Jun 3	16 (win)	12 (lus)	ANZ Stediam	Fox	3:00 pm
Sarere, Jun 3	18 (win)	16 (lus)	Allianz Stediam	Fox	5:30 pm
Sarere, Jun 3	20 (win)	8 (lus)	1300Smiles Stediam	Fox	7:30 pm
Sande, Jun 4	21 (win)	20 (lus)	Brookvale Oval	Fox	2:00 pm
Sande, Jun 4	0 (lus)	38 (win)	ANZ Stediam	Nine, Fox	4:00 pm

Ol tim i stap sambai em: *Rabbitohs, Sharks.*

2017 NRL Lata | TELSTRA PREMIASIP

Posisen	Tim	P	W	L	D	B	F	A	+/-	Pts
1		12	10	2	0	1	278	177	101	22
2		12	9	3	0	1	227	154	73	20
3		12	8	4	0	1	285	195	90	18
4		13	9	4	0	0	270	210	60	18
5		13	8	5	0	0	277	207	70	16
6		12	7	5	0	1	281	223	58	16
7		12	7	5	0	1	233	230	3	16
8		13	7	6	0	0	252	276	-24	14
9		13	6	7	0	0	296	246	50	12
10		12	5	7	0	1	260	233	27	12
11		12	4	8	0	1	266	312	-46	10
12		13	5	8	0	0	240	290	-51	10
13		12	4	8	0	1	204	269	-65	10
14		13	5	8	0	0	178	245	-67	10
15		12	3	9	0	1	164	306	-142	8
16		12	2	10	0	1	196	333	-137	6

Walters i tokaut stret long ol Maroons i lus



KOSA bilong Queensland, Kevin Walters, i tokaut stret long ol Maroons i lus long Stet ov Orijin gem namba wan (I).

Walters i tok olsem bikpela senis bai kamap bihain long Maroons tim bipo long gem namba II.

Ol New South Wales i daunim ol Queensland, 28-4, em i bikpela lus bihain

Kosa bilong Queensland, Kvein Walters, i tokaut stret long bikpela senis bai kamap long tim Maroons bipo long gem II bilong Orijin resis.

long wankain lus long ol Maroons long gem II bilong yia 2006 Orijin resis.

“Namba wan samting em mi bin lukim wanem hap mipela i bin asua insait long wik,” Walters i tok.

“Dispela em i gutpela wik bilong futbol, tasol mipela i no mekim wok gut na mipela bai mekim sampela senis.”

French Open 2017: Sans hap bilong nupela meri sempionsip

FRENS Open resis bilong dispela yia em i sans hap wantaim i nogat Gren Slam i stap yet namel long dro bilong ol meri.

Lainap bilong kwata fainal long Paris em i nogat wangepela pilaia i bin winim wangepela meja taitel na dispela em i namba wan taim inap long yia 1977.

Resis i stat pinis long Roland Garros long Paris long May 28 na bai pinis long Jun 11.

Ol pilaia husat bai bungim

Gren Slam fainal em Simona Halep, Karolina Pliskova and Caroline Wozniacki.

Ol i no putim 30 Gren Slam taitel long dro bilong ol meri.

Top netbal pilaia, Serena Williams, i wet long kisim namba wan bebi bilong em, Victoria Azarenka, na i go long Wimbledon bihain long pikinini man bilong em i bon, na Maria Sharapova, i no bin kisim waikad bihain long ol i stopim em long kisim sampela marasen o doping.



Elina Svitolina i resis long Roland Garros, Paris.

Gennady Golovkin na Canelo Alvarez bai pait long T-Mobile Arena

BIKPELA pait bai kamap namel long Gennady Golovkin na Canelo Alvarez long T-Mobile Arena long Las Vegas long 16 Septemba bilong winim WBC, WBA na IBF midol weit taitel.

Dispela pilai em ol i bin

tokaut long Me 6 wantaim bikpela luksave bihain long Canelo i daunim Julio Cesar Chavez Jr long wankain hap bilong pait.

Pait wantaim Golovkin bai namba tri tri taim bilong Canelo long pait long T-Mo-

bile Arena. Long ol narapela pait i bin kamap long ol arapela hap olsem, AT&T stediam long Texas i lukim Alvarez i daunim Liam Smith bilong Briten.

Pait namel long Golovkin na Canelo em i wangepela top resis bai kamap long spot na

wangepela bilong ol bikpela pait long 2017.

HBO TV stesen bai brodkasim dispela pait long US.

Canelo i lukluk long win wantaim bikpela poin. Em i bin win long las mun egensim Chavez Jr em i trening bilong em.



Golovkin vs Canelo



Ramu NiCo (MCC) Amamasim WED long Dein praimereri skul

MOA long 500 skul sumatin wantaim ol tisa bilong ol long Dein praimereri skul long Raikos distrik long Madang provins i bin amamas long bung wantaim ol wokman bilong Ramu NiCo Menesmen (MCC) long amamasim Wol Enviromen De long Tunde, Jun 6.

Dispela intanesenel de long luksave long bus, graun, wara na solwara bilong yumi em planti pipel na institusen long olgeta hap bilong wol i luksave long en na i amamasim long wei na stail bilong ol yet.

Dispela yia WED em sapos long kamap long Mande, tasol ol skul menesmen bilong Dein praimereri i surikim i go Tunde long bung wantaim ol lain wokman bilong Ramu NiCo (MCC) long Basamuk Rifaineri long go stap na amamas wantaim ol.

Het tok bilong WED long dispela yia em "Appreciate

and conserve our land and our sea"...Dispela i min olsem Amamas long yusim na lukautim graun na solwara bilong yumi long arapela long bihain taim, i ken yusim gen.

Ol tisa wantaim ol sumatin long wan wan gret i kamap wantaim ol projek bilong ol yet long soim long WED long Tunde. Ol sumatin i droim ol piksa na posta we i tokaut long gutpela was na rot long lukautim bus, graun, wara na solwara em enviromen. Ol i putim kamap ol danis, ol askim na bekim (riddle) long enviromen na tu pilai stringben na singsing long amamasim dispela de.

Dein praimereri skul i bin amamas long givim taim long Basamuk Rifaineri Eksekutiv Jeneral Menesa, Adam Lukey wantaim Deputi Jeneral Menesa, Jack Lu Ping long planim wanpela

kokonas namel long skul arere long sain-bod bilong skul. Dispela i soim gutpela mak olsem skul wantaim Ramu NiCo i bung wantaim long luksave olsem lukaut o was i mas stap long bus, graun, wara na solwara bilong yumi oltaim.

Skul i givim taim tu long Mista Lukey long toktok na em i tokaut olsem em yet i gro ap na skul long PNG na em i luksave olsem graun na solwara em bikipela samting tru long laip bilong ol pipel long PNG.

Mista Lukey i tokaut tu olsem wok bilong em long Ramu NiCo tu em olsem em mas bihainim lo bilong PNG na ol gavman bodi long sait long lukautim gut enviromen na noken bagarapim enviromen.

Het tisa bilong Dein praimereri skul, Simon Douglas i tokaut olsem skul bilong em i amamas tru long

kisim ol lain wokman bilong Ramu NiCo long stap wantaim ol sumatin long amamasim WED. Dispela i soim tru olsem Kampani olsem Ramu NiCo i luksave long ol pipel na sumatin na i stap wantaim ol long luksave long WED.

Mista Douglas i tok PNG i ken senis taim olgeta manmeri i holim han wantaim na lukautim gut bus, graun, wara na solwara bilong yumi.

Ol wokman bilong Ramu NiCo Helt, Sefti na Enviromen (HSE) Dipatmen i givim ol toktok tu long ol sumatin long pasin bilong lukautim gut enviromen.

Bihain long dispela Mista Lukey i givim liklik ol presen olsem spots bal na ol pen na ol liklik kaikai i go long Dein praimereri skul long soim amamas bilong Kampani long stap bung wantaim ol sumatin long luksave long WED.



Eksekutiv Jeneral Menesa, Adam Lukey long raithan na deputi GM, Jack Lu Ping i planim kokonas namel long Dein praimereri skul long makim WED




Ol Dein lowa praimereri sumatin putim ol posta wantaim tisa bilong ol



Mista Lukey i givim toktok long Dein praimereri skul



Ol gret 8 sumatin givim samsam long WED long Tunde



Scott bai givim moa pawa long Trukai Fan Ran

TOP pilaia bilong North Queensland Cowboys na fowod bilong Queensland Orijin, Matt Scott, bai kam long kantri long givim moa strong long 2017 Trukai Fan Ran bai kamap long Sande, 11 Jun.

Namba 35 yia bilong Fan Ran long Pot Mosbi na ol narapela 9-pela taun na siti insait long kantri bai wokabaut wantaim long Trukai Fan Ran na Scott bai kamap long PNG olsem Embasada bilong 2017 Trukai Fan Ran.

Brent Tate em i senta na winga pilaia bilong Queensland na sapota bilong Cowboys i bin lusim ragbi pinis bai kam wantaim Scott.

Ol pilaia bilong SP Hunter na etlit Tim PNG bai joinim tupela top NRL pilaia.

Ol i bin salim moa long 80,000 Trukai Fan Ran siot pinis na wan wan T-Siot bai makim

wanpela strongpela pilaia.

"I gat 21,000 moa siot em ol i salim yet long Stop n Shoip, Waterfront na Boroko Foodworld supamakot. Ol dispela siot i makim sans bilong yupela bai wokabaut wantaim long Trukai Fan Ran na soim sapot bilong yu long Tim PNG," Nesanel Maketing Mensesa bilong Trukai, Maybellyn Fernandes i tok.

Ol manmeri na pikinini bai bung long Sir John Guise Stadium long Pot Mosbi long Sande moning na ol bai stat wokabaut long 3.00 kilok.

Ol bai redim trenspot bilong ol lain husat bai putim Trukai Fan Ran siot tasol.

CEO bilong Trukai Industries, Greg Worthington-Eyre, i tok tenkyu long ol kopret patna na NGO long ol i mekim ol bikpela wok long ogenaisim ol patna long ol taun na siti long kantri.



TOP pilaia bilong North Queensland Cowboys na fowod bilong Queensland Orijin, Matt Scott.

Morobe Yunaited FC wilwilim Laiwaden FC

James G. Kila i raitim

PLANTI ol soka sapota long Madang i no amamas long harim olsem wanpela tim bilong ol i kisim bikpela bagarap tru long las wik Sarere long Lae.

Dispela bagarap i bin kamap long Nesanel Primia Lig raun seven gem, we i lukim Welgris Morobe Yunaited Futbol Klab (FC) i wilwilim stret Laiwaden FC 5-0 long mein gem we i bin kamap long Sir Ignatius Kilege stadium long Lae.

Planti ol Madang sapota i no bilip taim ol i harim olsem yangpela tim bilong ol Laiwaden FC i kisim kain bikpela skoa olsem. Ol i tok olsem Madang i gat ol gutpela pilaia i stap we i save pilai gut tru, tasol ating asua i mas long ol teknikol ofisal long makim gutpela tim long salensim ol Morobe Yunaited FC o olsem wanem stret?.

Bipo long las wiken gem tu i bin lukim Laiwaden i lus long Lahi FC, taim tupela tim i bin pilai egensim ol yet long Madang. Tasol pastaim long en Laiwaden i bin

winim Markham FC na Nawaeb FC long gem bilong ol long Madang.

Planti ol soka sapota na ol papamama bilong ol dispela yangpela pilaia insait long Laiwaden tim i laikim olsem ol treina na kosa i mas pasim tingting wanem na go pas long tim. Moa long en tu ol pilaia i mas harim tok bilong ol kosa na treina na pilai olsem tim na noken pilai wan man gem long fil na givim bel-hevi long wanpela arapela.

Insait long skoa bilong raun seven bilong las wiken long Noten Konferens long Lae i lukim Markham FC i daunim Bulolo FC 3-0 na Nawaeb FC i winim Lahi FC 1-0.

Skoa bilong NPL Sauten Kofereis i lukim Papaka FC i winim Amoana 2-1, Hekari Yunaited FC i winim Admiralty 2-1 na Erema Galp i nekim Rapatona FC 3-1.

NPL em nupela kompetisen we i autsait long PNG Futbol Asosesin, na dispela kompetisen em ron aninit long siaman bilong en yet em strongpela soka sapota John Kapinato.

Top PNG etlit, Seph, i pasim ai

ETLETIK PNG i ripot olsem, top etlit bilong PNG, Terry Seph i lusim laip long Kavieng long las wik Sande apinun.

Terry em i memba bilong 4*100m rilei skwat husat i go resis long long 1996 Olimpik Gems long Atlanta.

Long resis long Atlanta, Terry em i namba 5 top etlit long 100 mita resis

na i stap risev long rilei resis.

Em i bin winim mak insait long 11.18 seken long Marietta, Georgia bipo long go resis long Olimpik Gems.

Em i setim top rekot bilong em yet long Pot Mosbi long 1995 bihain long em i winim mak insait long 10.7 seken.

Terry i bin go resis long Saut Pasifik

Gems long Tahiti long 1995 tasol em i no go insait long rilei tim. Em i bin setim rekot bilong PNG Nesanel wantaim 40.20 seken na i winim gol medal.


Em i bin resis tu long 1997 Mini Saut PASifik Gems long Paso Pago na winim fainal bilong 100 mita resis. Na em i resis tu long 4*400 rilei tim i bin winim silva medal long wankain taim.



Terry Seph i sanap long 2015 Nesanel Sempionsip long Lae, Morobe.



Strongpela soka sapota na papa Paul Kambual i no amamas long lukim tim bilong tupela pikinini Jonnell (Ilephan) na Brendan (raithan) i lus tasol em i tok em spot na i gat wina na i gat lusa. Foto: James G. Kila



Ol bipo PNG etlit; (L-R) Ivan Wakit, Kosa Naomi Polum, Peter Pulu, Terry Seph, Amos Ali, Samuel Bai, Subul Babo na Allan Akia.—Foto: Bob Snow – Tim Menesa bilong PNG Etlitiks, 1996 Olimpik Gems.

Trukai Fan Ran 2017: Program

Ol samting yumi ken save

WANTAIM bikpela spoting iven long kantri i kamap klostu, Trukai Industries i mekim plen o program bilong helpim ol lain husat bai wokabaut wantaim long taim bilong Trukai Fan Ran bai kamap long Sande.

Sans long bungim ol North Queensland Cowboys

Taim bilong Trukai Fan Ran i kamap klostu, yu bai gat sans long bungim sampela bikpela nem spot man long Waterfront Shopping Senta namel long 10.00 kilok moning inap long - 1.00 kilok apinun long Sarere, 10 June.

Dispela bai fainal sans bilong baim wanpela Fan Ran T-Siot bipo long taim bilong resis Pablik manmeri bai gat sans long bungim supasta bilong Cowboys, Matt Scott na Brent Tate, husat i lusim spot na ol Cowboys pinis. Yu bai gat sans tu long bungim ol SP PNG Hunters long wankain taim.

Resis De- Pot Mosbi

Toksave i go long ol lain bai resis

- Trukai Fan Ran program bai stat insait long Sir John Guise Stediam.
- Ol lain husat bai resis bai go sindaun long ol sia bilong stediam
- Ol bai redim wara bilong ol lain bai resis
- Ol bai redim ol NCDC bas long olgeta lain husat bai wokabaut long taim bilong Fan Ran long 3.00 kilok moning na bihain long resis i pinis
- Sekyurit bai sek long bikpela geit. Ol bai rausim ol sap samting, buai, daka na kamban bipo long go insait.
- Ol bai redim trenspot long ol lain husat i werim 2017 Trukai Fan Ran T-Siot tasol. Nogat T-Siot,ol bai no inap kala long bas!
- Pik-ap na drop-of hap em long ol bikpela bas stop olsem Gerehu, Rainbow, Waigani, Tokarara, Hohola, Murray Barracks, 4 Mile, Manu, 3 Mile, Foodland, Koki, Korobosea, Sabama, Kaugere, Badili, Town, Hanuabada, 5,6,7,8,9 mile, Gordons and East Boroko.
- Ol lain bai go long resis em ol bai lusim ol long Godwit Rot bipo long resis i stat.
- Ol bai pikim ol lain gen bihain long resis long Wardstrip Rot.

Sapos yu i dariv:

- NCDC bai redim hap bilong putim kar na kalap long bas. Ol papa bilong praivet kar bai putim kar bilong ol long Unagi Oval.
- Narapela wei em, ol papa bilong praivet kar i ken go pas na kisim wanpela hap bilong putim kar insait long SJGS. Geit bilong draivim kar i go insait em long sait bilong Sir John Guise Draiv.
- Long go insait long hap bilong putim kar bai pas long 5.00 kilok moning o long taim hap bilong putim kar i pulap.

Ol bai salim kaikai, dring na T-Siot:

- Ol bai salim kaikai, dring na T-Siot long Stediam.
- Dispela bai las sans long sapotim Tim PNG taim yu bringim famili bilong yu na baim wanpela Fan Ran T-Siot

Taim bilong program:

- 12.00 kilok moning- Wardstrip Rot bai pas. Jenerel trefik bai no inap yusim dispel rot. Fan Ran lainap bai stat long Wardstrip Rot.
- 3.00 kilok moning- NCDC bas bai stat pikim ol lain long olgeta bikpela bas stop. Ol bai lusim ol lain long Godwit Rot.
- Rejisresen tent o haus sel bai op.
- 4.00 kilok moning- NCDC bas bai statim pikim ol lain long Unagi Oval.

Entateinmen bai stat

- 5.00 kilok moning- Ol bai stat blokim hap rot bilong Sir John Guise Draiv Opisal progr moning bai stat insait long Stediam.
- 6.00 kilok moning- Ol bai stat blokim rot long olgeta hap bilong wokabaut. Ol lain bai wokabaut long Fan Ran bai lusim SJGS na i go long Wardstrip Rot. Ol bai toktok na Wom Ap.
- 6.30 kilok moning- TRUKAI FAN RAN bai STAT.
- 8.00 kilok moning- Ol NCDC bas bai stat lusim ol lain long ol bikpela bas stop. NCDC bas bai go lusim ol lain long Unagi Oval

Long ol narapela taun na siti em;

Rejisresen:

Olgeta rejisresen long ol narapela taun na siti taun na siti bai stat long 6.00 kilok moning, long ol hap i stap daunbilo.

Lae – Sir Ignatius Kilage Stediam	Arawa – Post Opis Kavieng - Post Opis	Popondetta – Siroga Viles Oval
Goroka - Taun	Buka – Hahela Praimeri Skul	Mt Hagen – Basketbal Kot

Tigers i stap pas yet

Philemon Tame i raitim Bintangor Goroka Lahanis. Ol boi long Tari i bin go long Minj, asples bilong ol Waghi Tumbe na i daunim ol, 22-12, na ol Goroka i daunim ol EPG Enga Nioks, 38-14. Ol Tigers i kisim moa strong long asples bilong ol na i daunim ol PRK Mendi, 16-4. Na gem i kamap long asples bilong ol mangi Rabaul long Kokopo i lukim ol Gurias i daunim ol Pot Mosbi Vaipas, 22-14.

Hunters i stap pas yet long resis

SP HUNTERS i holim strong top ples long 2017 Intras Supa Kap resis yet.

Hunters i daunim ol North Devils, 40-18, long las wiken i bringim ol i go antap long 10-pela win long ol 12 gem ol i pilai long dispela sisen.

Hunters i lus long tupela gem na ol i stap sambai long wanpela gem i lukim ol i rekodim 134 poin long lata long ol poin fo na egens.

Raun namba 14 bai lukim ol Hunters bai pilai egensim ol Souths Logan Magpies

long dispela wiken long asples bilong ol Hunetr, Nesanel Futbol Stediam, long Pot Mosbi.

Long wankain taim, Ase Boas i stap long top ples yet long em i putim planti trai wantaim na kisim bikpela poin.

POMRFL i kamap namel bilong sisen

Philemon Tame i raitim

POT Mosbi Ragbi Futbol Lig (POMRFL) i kmaap long namel long 2017 sisen.

Las wiken i lukim ol i bin pinisim raun namba 12 bilong man divisen na raun namba 9 bilong meri divisen.

Resis bilong ol anda 20 man divisen i bin kamap long las wiken i lukim ol Tarangau na Mangani i kisim wankain poin, 6-6, na ol Kone Tigers i daunim ol Paga Panthers, 10-4.

Hawks i daunim ol Mangani, 26-4, na Paga Panthers i daunim ol Sisters, 4-0, long resis bilong ol

meri.

Long 'A' Gret resis bilong ol m,an i lukim ol Royals na Defense i kisim wankain poin, 20-20, Kone Tigers i daunim ol Paga Panthers, 22-10, na Tarangau i daunim ol Mangani, 16-14.

Fainal bilong POMRFL bai stat long mun Ogas.



Pilai i kamap namel long ol Dragons na Souths.- Wantok fail poto/ Nicky Bernard



Ol PNG Bodibilda, Lucas Wemin (NCD), Steven Bomal (Simbu), Canny Cooper (NCD) na wanpela bodibilda bilong Isten Hailans i fleksim masol long taim ol i bin kamap na pilai resis long namba 26 Nesanel Bodi Bilding Nesanel Sempionsip we i bin kamap long NSI long Goroka, Isten Hailans long Jun 1 i go inap long Sarere Jun 3. Bodi bilda bilong NCD Canny Cooper i bin winim gol medal bilong 80 kg divisen na Lucas Wemin i winim gen taitol bilong Mista PNG Tenkyu long sponsa bilong Goodman Fielder na Nesanel Geming Bod long salim tim NCD i go long Goroka. Poto: Loutova Siaepa.

Mungkas i strong tumas long PS Rutz

Nicky Bernard i raitim

POT Mosbi Soka Asosoesen i go insait long raun 4 pilai bilong ol long las wiken we planti ol tim i mekim apsetim long ol bik nem tim. Long pilai bilong ol man primia tim long wiken, Mungkas i soim kala bilong ol olsem ole m namba wan tim long Pot Mosbi Soka Asosiesen tai mol daunim PS Rutz 2-1.

ol dispela sans bilong ol i painim gol mak bilong Mungkas. Banis bilong Mungkas i no bin strong tumas long namba wan hap bilong pilai. Dispela i mekim ol PS mangi i ranim bal go tru long mak bilong Mungkas tasol sans bilong painim net bilong gol mak bilong Mungkas i wok long popaia. Mungkas i senisim pilai bilong ol long namba tu hap bilong pilai. Kosa bilong ol tokim ol long strong banis bilong ol na pasim ol liklik gep ol PS save go tru long

en. Dispela i mekim ol PS Rutz long brukim banis bilong Mungkas. Mungkas i mekim ol sotpela ol pas bilong ol na mekim spes long fran na pusim bal go tru long mekim tupela straiika bilong ol long ran long skoa. Straika bilong Mungkas, Julai i gat spit na lek bilong em i isi long giamanim ol bek lain bilong PS olsem na dispela stail bilong em mekim em skoa im tupela gol long net bilong PS long 60 minit na 70 minit bipo

long pilai i pinis. PS Rutz i no gat sans long skoa long wanem Mungkas i strongim bek lain na banis bilong ol we ol fran bilong PS i hat long brukim. PS Rutz i kisim wanpela las sans long pri kik bilong ol klostu long mak bilong ol Mungkas, dispela i mekim ol PS mangi long setim ol gut na mekim ol skoa tasol taim i winim ol na ref i winim wisel long ful taim. Long ol narapela gem long wiken long raun 4, Blu Kumul i daunim ol Yamaros

2-0. Uni daunim ol nupela tim long Primia Genesis 1-0. Long pilai bilong ol meri Mungkas i soim olsem ol em Kwin bilong PMSA na mekim ol winim olgeta gem bilong ol taim ol daunim PS Rutz 2-0 long wiken. Olgeta wiken Bisini Soka graun save pulap long ol manmeri na pikinini long wanem planti ol nupela klap is tap insait long 2017 PMSA resis. Dispela wiken bai raun 5 bai kamap na olgeta tim mas bai pilaia registresen fi bilong

ol na PMSA bai save long hamas pilaia wan wan tim i gat long klap bilong ol. PMSA i gat moa 52 klap long 2017, 101 tim na 2,020 ol pilaia husat nau i wok long pilai insait long PMSA kompetisen long 2017. Ol PMSA opisal i tokaut olsem olgeta pilaia registresen fom ol klap i pulapim pinis mas go long han bilong ol long dispela wiken. Dispela bai mekim isi long ol long save husat pilai is tap long wan wan klap na tim bilong ol.



Ol anda 19 pilai namel long Mungkas na PS Rutz.



Damons Serbui bilong Mungkas i holim bal long lek bilong em na painim sapot taim pilaia bilong PS Rutz i ran kam long banisim em long pilai bilong ol meri primia long Sande. Mungkas i winim pilai.




Adam Elijah, em 3 yia old na olgeta wiken em save stap long Bisini soka graun na sapotim tim bilong em Mainum. Adam i gat ol anty na ankol pilai long Mungkas nae m tu save go sapotim ol taim ol pilai. Em tingting long pilai soka taim i kam bikipela mangi.



Pilaia bilong Blue Kumul wantaim Yamaros i resis long bal.



Pilaia bilong PS Rutz i banisim July bilong Mungkas long kisim bal. July i skoa im tupela gol long mekim win bilong ol Mungkas long ol PS Rutz 2-1.



SPOTS

**Lukim websait
bilong mipela**

www.wantokniuspepa.com

Namba 2229

Jun 8 - 14, 2017

WHITE TUNA FLAKES
DIANA White



PROUDLY PNG MADE
Manufactured by:
RD Tuna Canners Ltd.

WHITE TUNA
insait
K 2.20



Tasty and Flavourful White Tuna for Everyone!

Wina bilong 2017 Mista PNG taitel, Lucas Wemin, bilong NCD i kisim tropi na ol prais bilong winim taitel long namba 26 Nesanel Bodi Bilding Sempionsip we i bin kamap long NSI long Goroka, Isten Hailans, long las wik Sarere. Poto: Loutova Siapea

Wemin i winim bek BB taitel

LUCAS Wemin bilong NCD Bodi Bilding (BB) Tim i winim bek Mista PNG taitel long namba 26 Bodi Bilding Sempionsip i kamap long Goroka, Isten Hailans, long las wik Sarere, Jun 3, 2017. Wemin i save holim Mista PNG taitel bipo na nau em i daunim ol Bodi Bilding Tim olsem, Jiwaka, Simbu, Goroka 1, Goroka 2, Lae, Kutubu, Kimbe na Buka long winim bek taitel.

Smal Wantaim



Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg